

LE

LIVRE DE C.

GALEN TRAICTANT


DES VIANDES QUI ENGEN-

drent bon & mauuais suc, mis en

François pour Monfieur le

Baron de faint Plancard,

Capitaine de Galeres.




A PARIS,

Pour Vincent Sertenas libraire, tenant sa bouti-
 quë au Palais, en la gallerie par ou lon va à
 la Chancellerie, & au mont faint Hi-
 laire en l'hostel d'Albret.

1553.

AVEC PRIVILEGE.



Sonnet. Par F. D. F. G.

Doulce S A N T E, sans qui Vie n'est vie:
Sans qui l'Esbat est plustost passion:
Sans qui Plaisir est vraye illusion:
Sans qui la vie onques n'est assouuie:
Sans qui l'A noir n'est que faim allouuie:
Sans qui Bonheur n'est qu'une vision.
Sans qui l'Honneur ressemble affliction:
Bref, sans qui n'est nostre vie qu'Enuye.
Plus ne pourroit le Ciel nous fortuner,
Qu'en te liurât aux hommes langoureux.
Et toy Starach, & ton Galen heureux,
Auroys-tu peu mieulx nous opportunier,
Qu'en nous laissant moyen & regle seure
Pour cōseruer la S A N T E brusque & pure?

Extrait des registres de Parlement.

IL est permis à Vincent Sertenas Libraire en l'vniuersité de Paris, de faire imprimer & exposer en vente vn liure de C. Galen traictant des viandes de bon & mauuais suc, nouuellement traduit en François. Et est defendu à tous autres Libraires & Imprimeurs d'imprimer ou faire imprimer ledict liure, sans le vouloir & consentement dudit Sertenas, iusques à quatre ans, sur peine de confiscation des liures, & d'amende arbitraire. Fait en Parlement le xxiij. iour de Decembre, 1552.

Signé du Tillet.

❧ A MONSIEUR
LE BARON DE SAINCT

Plancard, Capitaine des Galeres du
Roy, Iehâ de Starach son humble
seruiteur, perpetuelle felicité.



MONseigneur, nous lisons que le tēps
passé Apelles vn des excellentz
peintres qui oncques ont esté, ny se-
ront, selon Pline, oyant vn iour en
son ouuroir Alexandre le grand Roy de Mace-
done, disputer assez indocilement de la peinture,
luy dir doucement, taisez vous pour Dieu, Sire:
Car mes seruiteurs se mocquēt de vous: Voulāt par
ce inferer qu'vn chascū se doit mesler de ce qu'il
scait faire, ou dire, laissant le reste qu'il ignore
pour ceulx qui trop mieulx l'entendent. Car à di-
re la verité, vn homme ne se monstre iamais plus
ridicule que quand il faiēt ce qu'il ne scait, ny est
accoustumé de faire. Ce que quand ie viens à cō-
siderer, Monseigneur, il me faiēt quasi de tout
poinēt perdre l'affection de mener à chef l'inten-
tion que i'auoye de mettre en Frāçoys, suyuant la
promesse que par cy deuant vous en ay faiēte, vn
petit Traictē de Claude Galen, nommé Du bon
& mauuais suc, ou en bref il parle de toutes viā-
des qui engendrent bon & mauuais sang. Car si

EPISTRE.

*Vn Peintre le temps iadis a imposé silence à Vn
 des plus grandz & magnanimes Roys qui ayent
 point esté par le passé, tenant propos des peintures
 non si doctement qu'il appartenoit: Ne dois ie
 pas craindre qui ne suis ny Roy ny Rien, qui peu,
 ou point ay versé en la langue Françoise, en es-
 gard à ceulx qui au temps present sont en icelle
 plus exquis & excellentz qu'onques n'a esté
 Appelles en peinture, que par telz doctes es-
 pritx ne me soit dit? taisez vous, laissez cela
 pour nous, si ne voulez estre moquez de noz serui-
 teurs, ce n'est pas vostre estat, vous estes trop mal
 emparlé pour entreprendre telle besoigne. Ce que
 en partie ie confesse, mais la pierre estant desia iet-
 tée ie ne pourroye qu'à mon grand deshonneur re-
 uoquer, ny retracter ma promesse. Parquoy, ay
 plus aymé estre veu du monde, mal paré & vestu
 de langage, que de foy enuers celuy, à qui ie dois
 tout ce que ie puis, voire & ce que ne puis faire.
 Et neantmoins ie responderay à ces Cicerons Fran-
 çois, trouuantz quelque chose dure en la presen-
 te version, que la matiere icy traictée est philoso-
 phique. Or en la Philosophie, selon Ciceron, il
 fault premieremēt, & principalement considerer
 le subiect & matiere qu'on traicte, & non peser
 ny farder les parolles: Car en genre doctrinal les
 choses ne veulent pas estre ornées: mais (comme
 dit*

EPISTRE:

dit le Poëte) seulement se contentēt d'estre ensei-
gnées: Non que l'eloquence & beau langage, s'il
est en vn Philosophe, soit à moins priser, mais aussi
s'il ny est point, n'est gueres à souhaiter. Aumoy-
en de quoy ie me suis esuertué de tout mon pouoir
à rendre, & exprimer le sens de l'auteur, ores de
mot à mot, ores par Periphrase, sans toutesfois a-
uoir mis en desdaing l'ornement de la diction, ou
i'ay peu, sans fouruoyer de la sentence, en suiuant
plustost le texte Grec que le Latin, lequel en plu-
sieurs lieux ay trouué corrompu & mal tourné:
Et l'eusse mieux restitué s'il m'eust esté possible
trouuer l'Exemplaire Grec, sur lequel la vicille
translation a esté faicte: suiuant laquelle en quel-
ques endroictz ay emendé nostre texte Grec, en
autres y ay adiousté, sans toutesfois forcer la sentē-
ce, ny rompre le fil du propos, ainsi qu'vn chascun
pourra voir, s'il luy plaist le conferer. Ie voul-
droye prier ces bons espritz & disertes langues
de nostre temps s'addoner, comme tresbien font les
Italiens, à trāsaler de Grec en nostre langue Frā-
çoise les disciplines, & Artz liberaulx pour
gentz de bon esprit, & meilleur iugemēt, qui tou-
tesfois n'ont eu l'heur d'apprendre lesdictes lan-
gues, aux quelles les sciences sont escrites: Il est
vray semblable que tout ainsi qu'ilz surmontent
& deuancent tous les autres de leur sorte en elo-

EPISTRE.

quence, ou plustost en abondance & superfluité de propos d'amours & matieres lassiuës: ainsi feroient ilz, ce m'est auis, en propos & argument philosophique, s'ilz s'y adonnoient: A quoy faire ie les prie de ce pas s'acheminer, & trouueront que Apollo avec ses Muses ne se laisse pas si aisemēt traicter & manier que ce petit enfant Cupido. Lors ilz meriteront qu'on les estime disert & eloquentz, (ce qu'ilz appetent fort ambitieusement tant en vers qu'en prose) autrement point: Car à bien parler l'eloquence ne peult estre separée d'avec philosophie: Lors dy ie peult estre qu'ilz ne seront pas si rudes & seueres enuers moy. Mais ie fays mal de craindre le iugement de plusieurs en ceste tant petite traduction, qui n'a esté entreprinse que seulement & principalemēt pour vous Monseigneur, & mes Dames de Saint Plancard: Puis pour messieurs Monseigneur de Motagut, & le Capitaine Pierre de Saint Martin mon Cousin, Peres & nourrisiers avec vous de meuz estudes. Car ie ne doute point que vous n'estimez cecy tant petit soit il, plustost du bon cueur & affection que ie le vous offre, que à raison de son beau style, & langage. Or ce fais- ie plus hardiment estant prouoqué & semond de la liberalité, de laquelle vous à pleu vser enuers moy ces années passées, pour poursuiure mes estudes de

mede-

medecine : Parquoy serois ingrat si ne vous don-
noye le premier fruiet, que l'arbre qu'il vous a
pleu cultiuier, a porté. Non que par cecy ie tasche
à autre chose qu'à monstrier le bon vouloir, & in-
credible deuotion qu'ay de faire quelque chose à
vostre gré, en recognoissance de tantz de biens &
honneurs que i'ay receu de vous, pour le peu de ser-
uice qu'auex eu de moy : ayant peult estre esgard
plustost à la lignée de laquelle ie suis extraict,
que à mes merites. Car ces biens la, & faueurs en
mon endroit sont si grandz, que si tout ce que ie
scaurois faire pour vous obeir estoit balacé, avec la
moindre partie d'icelles, il se möstreroit beaucoup
plus leger, & de moindre valeur. Pour cela neāt-
moins ie ne desisteray oncques de ma vie de faire
quelque chose en vostre nom, se monstreat elle vn
rien, ou tant petite qu'on voudra à l'esgard de voz
benefices. Car il me semble tresraisonnable qu'un
chascun face en son endroiect son pouoir, quand il
ne peult son vouloir. Parquoy donc, Mōseigneur,
scachant tresbien que prenez grand plaisir à lire
toutz bons liures, en sorte que ne laissez passer
nul iour duquel n'employez vne bonne partie à
la lecture d'iceulx, principalement si sont en lan-
gues qui vous sont familiares, comme la Frāçoise,
Italiene, & Castillane. I'ay mis en François par
maniere de passerēps le dict Traicté de Galē pour
à iiii

EPISTRE.

Vous en faire présent, cōme vous ay promis: Nō tāt
 à raison qu'il vous duira beaucoup à entretenir
 vostre santé (car de cecy ay delibéré vous en faire
 vn petit Traicté à parsoy, suiuant vostre cōplexiō)
 que pour tesmoigner que ie tiens le bien, la gra-
 ce, & faueur qu'il vous a pleu me faire en tel sou-
 uenir, que ie demeureray tousiours reuestu d'vn
 bon vouloir à vous honorer & seruir tout le tēps
 de ma vie. Et iacoit que ie vous face presēt d'vne
 chose qui n'est du tout à moy: Car à vray dire ie
 n'y a rien que le langage & quelques heures du
 iour qu'à ce faire y ay employées: Neantmoins
 i'ay tousiours estimé qu'il y a plus d'affaire à bien
 entendre & expliquer les auteurs anciens, qu'à
 faire liures nouueaux, desquelz pour certain on
 ne tiendrait nul compte (que de bien peu) si les
 anciens dont ilz sont prins & extraitz (ie n'au-
 se dire desrobez) estoient expliquez & entēdus.
 Dequoy ce seul petit liuret vous pourra faire foy,
 ou verrez euidentmiēt estre descouuertz mil lar-
 cins d'vn tas de Regimes de Santé qu'on vend ça
 & la, au nom de ie ne scay qui. Ce que seroit à
 mō aduistollerable s'ilz ne desguisoient, & mu-
 tiloiēt le larcin, tout ainsi que font ceulx qui des-
 robēt les cheuaux, à fin qu'ilz ne soient cogneuz
 de leurs maistres. Je vous supplie donc Mon-
 seigneur, me faire tant de bien & de grace que
 daigne.

EPISTRE.

daigneZ receuoir ce que est à moy en ce liure que ie vous offre, qui est le premier fruiet de mon labour à vous promis & voué, tout ainsi que scay esteZ coustumier de receuoir avec bon visage, & liberale face, ce qu'on vous presente, tât petit que ce soit: Esperant si en ce preneZ plaisir, faire d'auantage cy apres en vostre nom. Car nul labour me scauroit lasser si vne fois entenZ que mes estudes & peines vous sont agreables. De Paris le vingtiesme iour de Decembre. 1552.

Spartam quam nactus es orna.

Aduertissement au Lecteur.

Il te plaira entendre, amy Lecteur, que la ou tu trouueras le caractere, a, il denote que c'est vne exposition des choses precedentes: Et le caractere, c, signifie correction du texte Grec ou Latin.

Faultes commises en l'Impression.

Saignir, feuillet 3. page secóde, ligne 18. lisez saigner. Viâdes exquisés, feuil. 9. page premiere. lig. 13. lisez viandes que exquisés. Qu'auons dit le failloit, fe. 12. pag. 1. lig. 19. lis. côme auons dit qu'il le failloit estre. Gascrigne, feul. 12. page 2. lig. 6. lis. Gascoigne. Que si le, fe. 16. pag. 2. lig. 3. lis. lequel si nous. Lignes, fe. 23. pag. 1. lig. 3. lis. lignes. Boufiez, fe. 23. pag. 2. lig. 15. lis. boufiz. Porceaux, feul. 24. pag. 2. lig. 11. lis. cochons. Substanties, feul. 46. pag. 2. lig. 17. lisez substantiées.

TABLE DES CHOSES

PRINCIPALES CONTENUES EN CE
présent traicté: En laquelle fault noter que A,
denote la premiere page du fueillet, B, la se-
conde.



Accidetz &
maladies
causées p
famine.

fueillet premier.a.

Accidetz apres la mor-
sure d'une beste ve-
nimeuse. 6.b

Aigneaux. 24.b.37.a

Ailes de poulaille.23.b

Alimentz desquelz on
est contrainct vser en
temps de famine.1.b.4.b

Amydon. 21.b

Anguilles. 43.b.44.a

Aron. 20.b

Arroches. 42.a

Aulx. 42.b

Austruches. 36.a

B

Arbeau. 44.b

Belotes. 28.a

Bestes. 24.b

Bestes de lait. 24.b

Bestes saines. 26.a

Beurre. 16.a

Blé bastard. 38.b

Blé bon. 33.a

Blette. 42.a

Boulagerie sans leuain.
18.b

Boletz. 21.a

Bolie. 31.a

C

Cancre. 43.b

Carottes. 42.b

Cassérons. 19.b

Cerises & guines. 57.a

Cerfueil. 42.a

Ceruelle. 24.a

Chair. 22.a.26.a

Chair de porceau.10.b

Champignons.4.b.21.a

Chastaignes. 27.a.28.a

Cheureaux. 24.b

Choux. 20.b

Cicorée. 2.b.42.a

Cochons. 24.b

TABLE.

Col des volailles. 35.b
 Commét on est nour-
 ry. 34.b
 Complexions diuerſes
 en meſme corps. 46.b
 Concombres. 41.a
 Condrille. 42.a
 Cōſideration des cho-
 ſes mangées. 46.b
 Contrepoiſon. 40.b
 Cornetz. 19.b
 Corps bien temperé.
 12.a

Courge. 41.b. 59.a
 Creſme de laiēt. 57.b
 Crudité cauſe la plus
 part des maladies.
 14.b. 60.b
 Cucur. 22.a
 Cuire les viandes. 34.b

D

D Actes. 28.b
 Difference de Da-
 ctes. 29.b
 Digeltions. 34.b
 Douleur de teſte. 53.a
 Douleur de teſte pour
 boire de l'eau, & pour
 ieūner. 53.a

E

E Au pour les chaul-
 des cōplexiōs. 53.b
 Endiuie. 42.a
 Eraſiſtrate reprins. 5.a
 Erueille. 38.b
 Eſcargotz. 19.a
 Eſchalotes. 20.b
 l'Eſcorpiō meurt par
 la ſaliue humaine. 6.b
 Eſprouuer les bons
 fruiētz. 31.b
 Etnos. 31.a
 Exercice preſerue de
 maladies. 14.a
 Exercice moderé. 14.b
 Exercice apres le re-
 pas. 14.b
 Extremittez des beſtes.
 23.a

F

F Aifantz. 13.b
 Faſcolz. 38.b
 Ferule. 4.b
 Febues. 38.a
 Figues. 39.b. 40.a
 Figues avec noix. 40.b
 Foye. 21.b
 Francolins. 13.b
 Friable & tēdre. 46.a

TABLE.

Froumage.	15.b	Hōme phlegmatique.	45.b
Froumage de brebis	16.b	Hōme sanguin.	45.b
Froumage viel.	18.a	Huitres.	19.b.20.a
Froumage frais.	18.a	Humeurs crues.	11.a
Froumêtée.	10.b.59.b		14.b
Fruictz de reserue, ou		Humeurs grosses.	61.a
non.	33.a	Humeur melancolique	61.a
Fruictz d'arbres.	39.a	Humeurs mellees.	61.b
G		Humeurs subtiles.	61.a
G Alen.	10.a	I	
G Garon.	58.a.b	I ntestins.	35.b
Gasteau.	18.a	I nuenteurs de sectes	
Gens occupez.	9.b	reprins.	6.a
Gingidion.	42.a	Ioncée & Cresme.	57.b
Gisier.	35.b	Itria.	18.b
Glandes.	24.a	L aiet.	15.b.17.b
Glandz.	27.a	L aiet de Cheure.	16.a
Gouions.	13.b.43.b	Laiet de Vache.	16.a
Grenades.	41.a	Laiet subtil.	16.a
Griues ou Tours.	13.b	Laiet grossier.	16.a
Groing de bestes.	23.b	Le laiet a trois substan	
H		ces.	16.a
H erbes.	42.a	Laiet clair.	16.a
H istoire d'une fa		Laiet de Chamelles.	16.b
mine.	1.a	Laiet d'Aneffe.	16.b
Histoire des maladies		Le laiet selon la diuer	
de Galen.	7.b		
Homme colere.	45.b		
Hōme melancolique.	45.b		

TABLE.

fité de l'aage des be- stes, du pasturage & parties de l'an. 16.b	les bien aisez. 9.b
Laiët caillé en l'esto- mach. 17.a	Maniere de viure pour toutes cõplexiõs. 45.b
Laiët comment ne se caille en l'estomach. 17.b	Maniere de viure pour gens occupez. 56.a
Laiët succé de la beste 17.b	Marque des bonnes viandes. 30.b
Laiët trop cuit. 17.b	Matrice. 35.b
Laiët clair faiët vuidr 18.a	Maulue. 42.59.a
Laiët de femme. 25.a	Les Medecines pour- quoy elles ont esté inuentées. 11.b
Pour le laiët precepte general. 25.b	Melca. 57.a
Laiëtue. 42.a	Melons. 41.a
Laiëtue sauuage. 42.a	Merles. 13.b
Langue. 24.b	Merlust. 13.b
Lechythos. 30.b	Meures. 39.b. 41.b
Lentilles. 20.b. 38.b	Miel. 54.b
Ce Liure pour quelles gés a esté faiët. 29.b	Mil. 38.b
Loups. 43.b	Moulles. 20.a
Lupins. 39.a	Moult. 51.b
M	Mouuemét voluntai- re. 23.a
Aladies apres v-	Mouuement naturel. 23.a
ne grande fa-	Moyen pour attendrir le poïsson. 44.a
mine. 3.a	Moyle du doz. 24.a
Maniere de viure pour	Muletz. 43.b
	Murenes. 13. 43.b

TABLE.

Muscles ou chair. 22.b
 Teste des Muscles.

22.b
 Queue des Muscles.

22.b
 Nature.

Nature des medi-
 camentz.

Nature des corps. 45.a
 Naueaux.

42.b
 Neffles.

41.a
 Nege.

66.b
 Noix de Pin.

21.b
 Nourriture bone.

30.a
 O

Oeufz durs.

19.a
 Oeufz cuitz en la
 poile.

19.a
 Oeufz molletz.

19.a
 Oignons.

42.b
 Olyre.

12.b.38.b
 Opinion d'Hypocra-
 te vraye.

5.b
 Opinion d'Erasistrate
 faulfe.

3.a
 Opilation de foye.

11.a
 Oreilles.

36.a
 Orge.

32.b.37.b.38.a

Oseille. 42.a
 Oximel.

55.a
 Composition d'Oxi-
 mel.

55.b
 Oye.

36.a
 Oyseaux.

42.b
 P

Pain bien faict.

10.b
 Pain mal faict.

15.b
 Panis.

38.b
 Parelle.

42.a
 Pastenagues sauages.

42.b
 Patisserie.

18.b.
 Perdrix.

13.b
 Pere de Galen.

7.a.
 Pesches.

33.b
 La Pierre comēt s'en-
 gendre aux Rains.

12.a
 Pigeons.

13.b
 Pignolatz.

31.a
 Poires.

41.a
 Pois.

38.a
 Pois ciches.

39.a
 Poisson petrin.

43.a
 Poisson sans escaille.

19.b
 Poissons grands.

19.b

TABLE.

Poissôs de marescage.

42.b

Poisson prins près de
grosses villes. 43.a

Poisson de mer. 43.a

Pompons. 41.a

Popes. 19.b

Porreaux. 42.b

Poulaille. 13.b

Poulpres. 19.b

Pourceau de moyen

age. 36.b

Pourpied. 42.a

Praxagoras. 15.b

Precepteur mauvais.

6.a

Prunes. 33.b

Q

ueues. 35.a

Qui est soigneux

de sa santé, peu ou

point chet en ma-

ladie. 36.b

Qui se peult exercer,

peult plus libremēt

vser de toutes vian-

des, que les gens oc-

cupez. 14.a

R Acines. 42.a

Raifortz. 42.b

Raisins. 39.b

Rate. 22.a

Reins. 21.b

Rhyemata. 18.b

Rouget Barbet. 44.b

S

Ang caillé. 17.a

Scandix. 42.a

Segle. 38.b

Segue. 4.b

Seiches. 19.b

Senegré. 38.a

Serpentine. 20.b

Signes pour cognoi-

stre le bon poissô de

mer. 43.b

Soles. 13.b

Sportula. 10.a

Suc acerbe. 28.a

Suc austeré. 28.a

T

Aute. 19.b

Tendons. 22.b

Testicules. 21.b

Tetins. 25.a

Thonine. 19.b


Tourterelles. 13.b

TABLE.

Tragus.	12.a	Vin blanc.	48.b
Truffles.	21.a	Vin vermeil.	49.a
V		Vin claietdoulx.	49.b
Eaux.	24.b	50.a	
Veines Mezerai-		Vin claiet & paillé.	
ques.	11.a	49.50.51.a	
Ventre des animaux.		Vin claiet fumeux à	
36.a		qui nuit ou profite	
Viandes tresbônes.	13.a	50.a.b	
Viandes grosses.	26.a	Vin doulx et gros.	51.b
Viades apprestées a-		Vin puant.	49.b
uec du moult, ou fa-		Vin fort & vieil.	54.b
rine.	18.a	Desquelz vins se fault	
Des viandes grossieres		abstenir.	49.b.52.a
precepte general.	29.b	Vin Phalerne.	49.b
Des viades autres, pre-		Vins austeres, rudes,	
cepte.	31.34.a	verdiz.	49.b
Viandes mauuaises de		Vins changent de natu-	
deux sortes, & quelz		re par l'aage.	51.b
maulx engendrent.		Vin viel.	52.a
61.a		Vin nouueau.	52.a
Viandes contre l'alte-		Vin rafreschy.	60.a
ration.	57.58.a	Vtilité de ce liure.	
Vie oyfiue.	14.a	26.b	
Vin.	47.a.48.a	Y	
		Eulx.	36.b

Fin de la Table.

LE LIVRE DE
GALEN TRAICTANT
DES VIANDES QUI ENGEN-
drent bon & mauuais suc, mis en
François pour Monsieur le Baron de
sainct Plancard, Capitaine de Ga-
leres.



A disette & fami- *Long di-*
ne, qui par longs *scours des*
ans cy deuant a fans *maladies q*
relasche molesté & *sont surue-*
affligé maints pais *nues incō-*
tinēt apres
vne. loüé
famine.

subiectz & tributai-
res à l'Empire Romain, a euidem-
ment donné à congnoistre à ceulx
qui de tout poinct ne sont despour-
ueuz desens & entendement, quelle
force les mauuaises humeurs & nour-
riture ont pour causer maladies.

Car les bourgeois & habitants des



villes, comme de coustume est de
 faire prouision l'esté du bled qu'on
 a affaire pour le demeurant de l'an-
 née, ont enleué des champs tout le
 froment ensemble, l'orge, febues,
 lentilles, laissant le reste des fruitz
 qu'óappelle legumes aux laboureurs
 & gétz des champs: en prenant ne-
 antmoins d'iceulx certaine partie.
 Lesquelz l'hyuer apres ayant man-
 gé ce qu'on leur auoit laissé & de-
 party, ont esté cōtrainctz vser tout
 le printemps de viandes qui engen-
 drent mauuais suc, mangeant le ten-
 dron des branches, le reiecton des
 arbres & arbrisseaux, eschalottes &
 racines d'herbes qui font mauuais
 sang. Ilz se saouloient aussi pour se
 refaire d'herbes sauvages & chape-
 stres, qu'on máge volontiers, vsantz
 d'icelles par vn temps desmesuré-
 ment: Semblablement de beaucoup
 d'au-

d'autres cuites, desquelles onques au parauant seulement pour esprouuer n'auoient gouste. * I'ay esté contraint par tout ce liure cy d'appeller par periphrase, n'ayāt propre terme François (herbes bōnes à manger, ou herbes qu'on mange volontiers) ce que les Grecz en vn mot disent (lachana) par ce, comme ie pense, qu'elles sōt semées en fouyāt la terre: Car (lachaino) en grec signifie fouyr, les latins les ont appellées (olera) parce que nous en vsons le plussouuent en potage qui se fait communément en vn pot de terre, lequel les Latins ont nommé (olla) & le Gascon (oula) dont ce mot (olus) vient, cōme dit Varro. Or de ces herbes ainsi nōmées en y a qui sont domestiques & semées es iardins, comme Laitues, Borraches, Blettes, Porée: d'autres qui sont champestres & sauages, lesquelles estant deuenues grandes & seiches seruent de médicament, à raison de leur vertu acre & ve-

T R A I C T E

bemente , qui est moindre & plus debile
 en elles estant encores ieunes & tendres,
 à cause de leur humidité, abondante aux
 choses qui ne font que venir de naistre:
 Laquelle humidité amoindrit & mate
 leur force & acrimonie . Au moyen de-
 quoy lors on peult manger leur tendron
 sans en estre endomagé: mais apres estre
 deuenues grandes sont si fortes , si rudes
 & espineuses, que mesme les bestes n'en au-
 sent manger . De ces herbes icy en y a
 de deux especes, l'une est beaucoup pene-
 trante, subtile, & amoindrissante les hu-
 meurs grosses & espesses , comme le Py-
 rethre, Benioin, Seneué, Ortye, Anys, Fe-
 nouil & autres: l'autre espece est de moin-
 dre & moyenne force , de sorte qu'elle
 ne brise ne aussi engrossit les humeurs du
 corps, comme sont les laitues des champs
 (qui sont espece de Cicorée) la Cicorée
 sauuage, la Coudrille , & semblables,
 ainsi que Galen dit au commencement du
liure

liure de la diete attenuante & amaigrif-
sante. Par ce ceulx qui estoient là
presentz ont peu veoir à l'œil la
peau de plusieurs sur la fin de la Pri-
meuere, & de presque tous sur le
commencement de l'esté entachée
de maintes vlceres diuerfes en espe-
ce. Car il en y auoit qui ressembloiet
à Erysipelas (que le vulgaire appelle
le feu S. Antoine) autres à inflama-
tiōs, autres à Herpes, autres à Dertres,
autres à Gratelles, autres au mal de S.
Ment (q̄ les Grecz nōment Lepre:)
Dont celles la qui yffoient tout doul-
cement & sans douleur, nettoyerent
& purgerent les mauuaises humeurs
des entrailles & plus profondes par-
ties du corps: les autres semblables à
Anthracz, & Loups qui fourdoient
acōpaignées de Fiebures, lōgue espa-
ce de tēps apres ont acablé & occis
les malades, biē peu en sont reschap-

pez. Il y eut pareillement fiebures en
 grád nombre sans roignes ny vlce-
 res, non sans flux de ventre puant
 & corrosif, finissant en expressions,
 & Disenteries: Puis les vrines poi-
 gnantes & puantes bleffoient la ves-
 sie de plusieurs. Les dictes fiebures
 ont finy en quelques vns par sueurs
 & icelles puantes, ou par apostumes
 & collectiõ d'humeurs corumpues.

Ceulx qui n'ont eu l'heur d'auoir
 quelqu'une de ces choses cy, s'õt tre-
 stous mortz, l'un avec inflamma-
 tion euidente en quelqu'une des en-
 trailles, l'autre avec grande & felone
 fiebure. Or quelques vns, & bié peu
 des medecins, qui s'auferent enhar-
 dir de saigner les patientz au com-
 mēcement de la maladie (car à bon
 droit ilz doutoient ce faire, par ce
 que leur force estoit desia au para-
 uant debilitée & amoindrie) n'ont

pas trouué si bon sang qu'on tire-
roit bien d'un corps sain & dehait:
ains estoit plus tost fauve, plus tost
noir, plus tost trop cler & flumati-
que, plus tost picant & poignant: ai-
grissant la veine par ou il ruisseloit
& decouloit, si que à peine on pou-
uoit rafermer & consolider la playe
de la lançete. D'auantaige quelques
vns, mesmemēt ceulx qui y ont lais-
sé la vie, ont enduré grands alteres
& accidentz, qui leur ont causé refue-
ries & tourmentz d'esperit, acoste-
& accompaignez de veilles & in-
quietudes, ou bien de somme pro-
fond (que les Grecz nomment cata-
phora.) Pas n'est de merueilles si
lors les malades estoient cheuales &
importunes de diuerses & du tout
contraires maladies, ou accidentz,
consideré qu'ilz estoient differentz
& contraires entre eux, non seule-

ment de nature, complexion, ou aage, mais aussi de reigle & precedente maniere de viure: Car les viandes desquelles ilz vsoient durant la famine, estoient de vertu & faculté contraire: A raison que chacun d'eulx empoignoit indifferemmēt & sans eslite tout ce qu'il s'offroit & pouoit trouuer à manger, qui estoit le plus souuent contraire l'un à l'autre. Les vns prenoiēt viâdes aigres, ou acres & picantes, ou salées, ou ameres: Les autres ores d'aspres & austeres, ores astringentes, ores trop refroidissantes, ores trop humectantes & remouissantes, ores de grosse substance, ores gluâtes, ores venimeuses: Bref i'en ay veu mourir plusieurs d'auoir mangé des Champignons, plusieurs d'auoir mangé de la Segue, ou de la plante qu'on appelle Ferule, desquelz bien peu s'en sont saueuz. Vn
cha

chacun donc voyant cecy & ententiuement considerant, pouoit facilement iuger que tout ainsi que mille, & mille sortes d'vlcères, & autant de tumeurs & enfleures diuerses se sont emparées de la peau au dehors, comme Inflammations, Erysipelas, Tumeurs endurcies & nœudz (que les Grecz appellent Scirrhus) Apostumes froides: Tout ainsi au dedans, les principales parties des entrailles pouuoient estre preuenues des mesmes indispositions & encombres. Or ceulx la seuls, qui contreuiennēt à la doctrine que Hippocrate a donné des humeurs, errent & faillent grâdemēt, au tantz amener & assigner autre raison & cause des Tumeurs, Enfleures & maladies que les humeurs. Nonobstant que partie d'eux m'ayt secretement confessé que ce qu'ilz contredisent à

*Galen reprend icy Erasistrate & ses con
sors qui di
soient les
maladies
ne prouenir des hu
meurs.*

Hippo-

Hippocrate & maintiēnent que les humeurs n'ont aucune efficace pour causer maladies, ou tenir en santé, n'estre que par emulation & desir de contention: Neantmoins qu'ilz auoient honte ataignātz desia l'ancinquante cinq de leur aage de se reduire, & condescendre à l'opiniō de Hippocrate, & icelle publiquement approuuēr. Car, disoient ilz, nō seulement noz disciples, mais toutz ceulx qui iusques à maintenant nous ont frequentez, & vſé de nous, en ce se diroiēt offencez & deceuz: ioinct qu'ilz estoient prisez & honnorez de plusieurs pour maintenir vraye secte & opiniō: laquelle si publique-
mēt preschoient estre faulſe & errō-
née, seroient estiméz plus ignares & indoctes que les autres: Et nul de ceulx qui au parauāt les appelloient & employent à leurs affaires, se soul-
cieroit

cieroit d'eulx, ny les frequenteroit.

Certes il est aisé à pardonner ceux cy sans reprendre ny arguer leur intention, non toutesfois sans nous douloir de leur meschef & infortune: Par ce que deuant qu'ilz peussent iuger de ce qu'ilz apprenoient, sont tumbéz entre les mains de tres mauuais precepteurs. Mais ceulx la doiuent estre hays qui pour vne ambition & cupidité de gloire ont esté les premiers inuenteurs des Sectes & faulses opinions. Car ilz n'errent contre leur vouloir, ains de leur propre mouuement s'estudient à tromper & abuser leur prochain, & ceulx qui plus familièrement les frequentét: Attendu mesmement qu'il n'y a persónne si despourueüe de sens qui ne scache bien quand le sang & humeurs du corps acquierent quelque mauuaise & venimeuse qualité,

lité combien de maux, perilz, & encombres s'en entrefuyuent.

Ceulx donc, cōtre lesquelz i'escry cecy, disent & tiennent estre impossible de mettre differēce entre ceulx qui meurent de poison, & ceulx qui de maladie & indisposition de corps. Pour le moins n'y a homme qui ne voye clairement que l'humour & venim qu'une beste venimeuse nous laisse & empraint en la playe de sa morsure, ne nous cause vne mortification & eslourdissement, ou putrefaction, ou flegmon & inflammation, ou extreme douleur en la partie pointee & vulnerée: Comme aussi le Scorpion expirera

La contrariété ou familiarité qu'une nature a avec l'autre, est cause de sa mort, ou de sa vie.

à l'instant, si quelqu'un en ieun crache sur luy par deux ou trois fois.

Car tout ainsi qu'il y a natures & complexions qui ont conuenence & familiarité ensemble: ainsi mesmes en

y a il de contraires, l'une taschant la corruption & totale ruine de l'autre. A ceste cause nous viuons des viandes & alimēts familiers & propres à nous & nostre nature: les contraires à icelle aspirent à nostre ruine. Mais de cecy auons parlé plus amplement aux liures des facultés naturelles, & medicaments simples. Or pour confirmation de ceste presente dispute il suffira vous faire entendre ce que i'ay veu & obserué au tēps de la famine. Et si voulez croire à moy (qui ne suis semond ny induit à mentir par nulle raison, ains suis marry de ce que plusieurs escriuent choses faulses) ie vous declareray de point en point ce que i'ay cōgneu & aprins en toute ma vie par longue experience, appellāt de ce les Dieux tesmoins.

Mon pere estoit fort sçauāt & ex- *Histoire des maladies*

TRAIGTE

*que Galen
a eu en sa
ieunesse.*

pert en Geometrie, Architecture,
Logique, Arithmetique, & Astro-
nomie: puis entre les Philosophes le
plus recomniandé & admirable en
equité, bonté, & courtoisie: Luy
donc m'ordonna telle diete & rei-
gle de viure en mon enfance, que ie
passay tout ce temps la sans nul mal
ny maladie: Venant sur mon ieune
aage de dixhuiet ans, mon pere, par
ce qu'il aymoît fort l'Agriculture &
labourage, se retira aux champs, me
laissant à mes estudes, auxquelles i'e-
stoye si adonné & iour & nuict, que
ie deuançoye tous mes cōpaignōs
& consorts. La saison des fruietz ve-
nue, ie m'oublaiy par trop mangeāt
tāt & tant des fruiets qui tātost per-
dēt leur saison, que l'Autonne suiua
fus surpris de griue maladie, en sor-
te que ie fus contrainct me faire sai-
gner. Lors mon pere se retirant à la
ville

ville me tãsa mallement, me reduisant en memoire la reigle & maniere de viure qu'il m'auoit ordonn  e: laquelle de ce pas me rec  manda, & commanda garder & entretenir, en fuyant & deuiant l'incontinence & vie desreigl  e de mes compaign  s: Et fit tant par sa diligence que l'an fuyuant ie vesquy sobrement & c  tin  ment en l'vsage desdictz frui  tz qui tost passent: Et ainsi ie m'entreins sans mal, ny maladie tout cest an la, qui estoit de mon aage le dix-neufiesme. L'an ensuyuant mon pere estant deced  , ie commen  ay rentrer en mon grand chemin, & manger en abondant desdictz frui  tz, avec mes consorts: de sorte que ie recheus en ceste mesme maladie, & eus affaire de saign  e, ny plus ny moins qu'auparauant.

Du

TRAICTE

Du depuys i'ay esté malade ores
chaſque année, ores de deux ans l'vn
iuſques à l'aage de vingthuit ans. Or
eſtoye-ie en danger ceſte année là
d'auoir quelque apoſtume au foye,
en l'endroiçt ou il ſe ioinçt au dia-
phragme. Parquoy ie deliberay met-
tre ordre de ce pas à ma ſanté, & ne
manger plus de ces fruitz, excepté
des figues & raiſins bien meurs, & a-
uec meſure autrement que par le
paſſé. I'auoye vn compaignon plus
aagé que moy de deux ans, qui trou-
ua bonne telle maniere de viure, a-
uec lequel ay veſcu par lógs ans ſans
mal ny maladie: à raiſon que tous
deux nous eſtudiýons à faire exerci-
ce de corps, à fin de ne tóber en cru-
ditez & indigeſtions : & tous noz
autres cóſorts & amys, qui par mon
conſeil ſe ſont adonnez à ſemblable
exercice & maniere de viure, ont e-
ſté,

sté, comme ie voy, de tout poinct
sains, les vns depuis vingtcinq ans,
les autres depuis moins de temps
qu'ilz ont tât cōmandé à soy mesme
de ne manger des fruitz caduques,
& transitoires, ny d'autres viandes
qui engendrent mauuais sang, des-
quelles parlerōs en ce traicté. Ceulx
donc qui ont puissance de faire exer-
cice auant manger, n'ont pas affai-
re de diete si estroictement reiglée
et compassée qu'ilz ne puissent vser
d'autres viandes exquisēs. Au con-
traire ceulx la qui sont distraictz &
occupez en beaucoup d'affaires, nō
seulement fault qu'ilz vsent de cer-
taine et exquisite diete, mais aussi par
foys ont mestier de medicamentz
& remedes salutaires pour entrete-
nir & continuer leur santé. Car il y
a plusieurs gents de tel estat & con-
dition de vie, qu'ilz ne pourroient

bonnement se recreer, ny exercer
 auant la refection, ny mager à deüe
 & competente heure, ny bien cuire
 & digerer la viande, pour estre par
 trop occupez: ausquelz est impossi-
 ble d'estre sans maladie, si de foys à
 autre ne se purgent, tantost d'une
 vehemente purgation, & conuenien-
 te flebotomie, tantost de breuua-
 ges prins en temps & lieu, lesquelz
 sont dediez à entretenir la santé.

*Aduertisse-
 ment de l'or-
 dre & me-
 thode qu'il
 tiendra en
 ce liure.*

I'enseigneray donc vne certaine
 diete pour faire bõ sang à ceulx pre-
 mierement qui sont aisez, menantz
 vie libre & tranquille, n'estantz con-
 trainctz d'aller allener ny frequen-
 ter les portes et maisons des riches,
 auant le iour, pour les saluer, ny se
 refroydir maintes foys, apres auoir
 fué, trauaillants en leur vacation:
 ny conduyre quelqu'vng & assister
 aux Bains, et Estuues, puis le reme-

ner

ner & acóduire au logis: ny eulx estants baignez, ou estuuez vistemēt s'en retourner souper.

*Le temps passé les Rommains bien aisez auoient de coustume donner quelque repue franche, ou bien vne piece vaillant dix carolus & demy (qu'ilz appelloient Sportula) à touts & chacun de ceulx qui leur venoient faire la court, & dire le bon iour chasque matin: ce que Galen auoit veu estant venu à Rome, du temps de l'Empereur Antonin.

En apres ie reuiendray aux Artizants & gents de mestier, qui viuent en peine & trauail, & leur donneray quelques preceptes pour entretenir leur santé. Et pour mieulx entendre le propos, fauldra se souuenir de ce qu'auons traicté es trois commentaires, qu'ay faictz de la faculté des aliments.

*Du pain,
fourmentée,
chair de
porceau
& autres
viandes de
bœuf, mais
gluant, &
grosier.*

Les viandes donc qui sont bon sang prinſes generally du froumēt, ſont les pains faictz de pure farine ſans ſon ny orduſe, bien appareillez & peſtris, bien cuits en vn grand four, bien aſſaiſonnez et mixtiōnez de leuain, et de ſel: Apres leſquelz ſont les pains cuictz dans vn petit fourneau (leſquelz point n'egalent aux autres en bonté.)

La fourmentée eſt de tresbon ſuc, comme auſſi la chair de porceau, moyennant qu'elle ſoit bien cuitte et digerée en l'eſtomach, & conuertie en bon ſang par le foye: Vray eſt qu'elle a en ſoy quelque viſcoſité, qui cauſe obſtruſtiō de foye et de reins, ſignāment à ceulx la qui naturellement ont les cōduictz d'iceulx eſtroictz et ferrez. A ceſte cauſe ceulx qui trop ſouuēt en vſent, ſentēt auſdictes parties, cōme vne peſanteur:

teur: Et aucunes fois quelque douleur est causée d'obstruction & opilation de foye, qui empêche que la viande cuite dans l'estomach ne se distribue par toutes les parties du corps, & qu'un tas d'humeurs s'arrestent aux veines qu'on appelle Mesereiques (c'est à dire intestinales, par ce que sont entre les intestins & boyaux) & en la partie creuse & inferieure du Foye, dont y a danger qu'il ne s'en ensuyue quelque flegmon & inflammation aux dictes parties, ou putrefaction & corruption desdictes humeurs. Car il fault necessairement que des humeurs du corps crues & espesses vne de deux choses s'en ensuiue, à sçauoir, ou qu'elles soyent cuites & conuerties en sang, ou que deuiennent & degenerent en corruption & pourriture: Tout ainsi qu'on voit aduenir aux autres

L'obstruction de foye quelq fois cause douleur.

choses si par longs iours demeurent
 musées & accrochées en lieu chault
 (& humide.) Au moyen dequoy
 les medecins ont inuenté les medi-
 camentz salutaires pour entretenir
 la santé: la nature desquelz generale-
 ment est de subtilier, briser & ame-
 nuyser. Car leur office est d'ouurir &
 desempescher les conduictz estou-
 peez & ferrez: puis de purger le plus
 gluant & visqueux des humeurs ac-
 crochées & attachées à quelque par-
 tie. Mais si on en vse trop desmesuré-
 mēt, ilz font le sang ores trop subtil
 & aqueux, ores colere, ores melacoli-
 que: par ce que la nature de presque
 tous les medicamentz est non seu-
 lement de rendre subtil & menu ce
 qu'est grossier, mais aussi de trop es-
 chauffer & embraser le corps. Au
 moyen dequoy conuertissent le bō
 sang en mauuais. Apres deseichent

Le danger
 de trop des-
 veiglement
 vser de me-
 decines.

& gastent l'humidité naturelle des parties charneuses, fermes & solides: Et en deseichant engrossissent si fort les humeurs aux Reins qu'ilz y engendrent la pierre. Que si le corps est doué de tresbonne complexion, qui est tresque temperée, il aura les vaisseaux & cōduictz, par ou les humeurs passent & coulent, amples & larges; Et pourra viure sans estre engregé de maladies, pour estre nay si heureusement, en faisant exercice auant le repas, & principalement ayant largement vsé de viandes grossieres; comme celles cy dessus mentionnées, à sçauoir fourmentée, chair de Porceau, Pain mal cuit au grand four, ou petit, n'estant si bien assaisonné & apareillé qu'auons dit le failloit. * Tragus a vne mesme *Tragus.* vertu & efficace que la fourmentée, hors mis qu'il n'est de si bonne dige-

tion en l'estomach.

^a *Tragus* signifie icy vne sorte de viande, comme nostre orge mondé qui se faisoit d'une espeece de grain qu'ilz appelloient olyre, (qu'est comme ie pense nostre Sarde de Gascrigne,) laquelle on mondoit & escorçoit, puis on la cuisoit en eau, laquelle apres on versoit, remettant en son lieu du vin cuit, ou doux, & des pignolatz, ayant au parauant trempé en eau, comme Galen escript au premier liure de la vertu des aliments, chap. de la Tyse.

La nature aussi des œufz approche fort de ces viandes cy, mais il la fault distinguer & limiter tout ainsi que le lait. Ce que nous ferons cy apres. Or tout ainsi que par cy deuant ie vous ay proiecté, & par maniere de dire grossierement pourtraict les aliments de bon & grossier suc, ensemblement de gluant, ainsi fairay-

ie cy après de ceux qui tiennent le mylieu: Le mylieu di-ie entre les viandes qui naturellement sont de grosse substâce, & celles qui donnēt peu de nourrissement en menuisant & attenuant les humeurs, desquelles i'ay parlé ailleurs au liure de la Diete amaigrissante: Et d'icelles plusieurs se doibuent plustost appeller mendicamentz que alimentz: Mais celles qui sont de grossiere & gluante humeur, indubitablement nourrissent beaucoup, & font tresbon sang, moyennant qu'elles soyent biē cuites & digerées en l'estomach, & conuerties en sang au foye.

Les viandes de tout poinct bōnes & saines sont celles qui tiennent le rég du mylieu entre les attenuātes et engrossissantes, comme tenāt vne mediocrité entre peu & trop: Au rang desquelles est nombre le fort bon pain

pain, la façon & preparatiō duquel
ay enseignée plus à plain au liure pre
mier de la faculté des alimentz: Puis
apres toute poulaille tant masle que
femelle: En apres entre les oyseaux
les Faifans, Perdrix, Pigeons, Fráco
lins, Turterelles, Griues, Tours, Mer
les, & tous autres oyfeletz: Dauan
tage tous poissons nageantz & habi
tantz pres les rochers (lesquelz les
Grecz appellent petræi, par ce qu'il
viuent pres les rochers, & pierres) au
profond, ou au riuage de la mer, les
Gouuions, [†]Murenes, Soles, Merlus,
& generalement tout poisson non
gluant, ny de mauuais gouft, ou o
deur, doit estre au nombre des vian
des bonnes & temperées. Mais pour
declarer leur nature & téperament,
il faudroit deduire beaucoup de cho
ses, desquelles parleray au propos des
viandes qui font mauuais sang: ores

+qu'au
cuns di
sent estre
noz Lam
proyes.

me fault paracheuer le fil du propos entamé, & y adiouster ce que reste:

Quiconque a pouoir de faire beaucoup d'exercice, & de dormir à souhait, estat de vie libre & deliurée de facientes & occupatiōs publiques, il pourra manger viādes grossieres & gluātes: moyēnāt qu'après en auoir pris quātité ne sente quelq̄ pesāteur, ou tentiō et enfleure au costé droit: Au contraire celuy se gardera d'en prendre qui ne pourra faire exercice de corps auant le repas, à cause de l'aage ou de l'acoustumēce. Qui mēne vie oysiue & sans trauail (par quelque occasion que ce soit) se doit abstenir de telles viandes gluātes & grossieres: Et au lieu de grād exercice se pourmenera à pied, ou à cheual & litiere. Car c'est vn grand mal & dommage pour l'entretènement de santé que la vie oysiue:

Quelles gentz peuuent user de viandes grosses, & gluantes.

L'oyssiueté est grande mēr dommageable:

Tout

*l'exerci-
ce modéré
grandement
profitable.*

Tout ainsi que c'est vn grand bien pour icelle santé que la vie actiue & d'exercice modéré: De sorte que nul ne sera esprins de maladie tenāt vie & diete de tout poinct reiglée, deuëment s'ebatant & exercitant, se con- tregardant de cruditez & indige- stions(^a faisant ses necessites, & vui- dant le ventre quand il fauldra.) En oultre prendra garde de faire trop grand & vehemēt exercice, ou mou- uement apres la refection. Car tout ainsi que l'exercice prins auant man- ger est tressalutaire, ainsi est il doma- geable & pernicious sus la refection. Par ce que la viande se distribue & depart par tout le corps plustost que estre cuite en l'estomach: De la pro- uient qu'vn tas d'humeurs crues & indigestes s'assemblent, s'arrestent & accrochent aux veines: & de ce s'ensuyuent mille maux & mala- dies,

dies, principalement si ces humeurs ne sont rompues, amollies & dissipées par grand labeur et trauail de corps: ou bien si ne sont cuites & cōuerties en bon sang, par la vertu & force de la chaleur naturelle du foye & veines.

Le plus seur sera donc de peu, ou point vser de ces viandes & nourriture ° grossiere & gluante, si on a soing de sa santé, & non d'estre gros & gras comme les luidteurs (° pour mieux eschapper & escouler des mains de leurs aduersaires.)

Je deduiray donc cy apres le reste de l'histoire qu'encores n'auons touché des viandes grossieres, reprenāt de rechef le pain pour mon commencement.

Parquoy tout pain n'estant bien leué, ny salé, ny pestry et assaisonné, Du Pain. ny bien cuit au four, est de fort grossier

TRAICTE

fier & gluant' humeur: Laquelle humeur grosse & gluâte les Suppos de Praxagoras & Philotime appelloiēt collodes (¹ cest à dire tenente & gluante, comme la colle.)

*Du fourma
ge, & du
laiet.*

Tout fourmage est de grossiere & melancolique nourriture, fors que les fraischement faiet, qui n'engendrēt pas mauuais sang comme font les vieilz: Neantmoins tous fourrages ne sont pas si gluants que grossiers, mais quelques vns seulement ont ces deux vices ensemble: A raison de la nature du laiēt dōt ilz sont faiet, qui est moult different, tant à cause des bestes desquelles est prins, q̄ de leur pasturage differēt de lieux, & pais. Pardeça (¹ en Asie la Mineur) tous vsent communément de laiēt de Cheure: En autres contrées prennent cestuy la de Vache, & bien souuēt de Brebis, qui est grossier & me-
lan-

lancolique , contraire à celuy d'Anesse, qui ne tient rien de tout cecy. Celuy de Vache est trop gras et chargé de beurre.

Le laiçt de cheure est entre tous tē *le laiçt de cheure est le plus tē-* peré, attendu qu'il n'est ny trop gras *le plus tē-* ny trop grossier (ny trop subtil & *peré de tous les autres,* fluide:) Et par ce tiēt le mylieu entre tous les autres, considéré ses opérations & effaiçtz en noz corps . Car le laiçt qui est par trop subtil et clair, lasche plus le ventre, & peu nourrit le corps. Le laiçt grossier & espes faiçt le contraire, nourrissant plus, & laschant moins le ventre.

Le laiçt donc est de trois diuerses substances : la premiere est subtile & claire (qui est le laiçt-clair) la seconde espesse et grossiere (qui est le fourmage :) La tierce est grasse & huy-leuse (qui est le beurre.) Lesquelles substances diuerses ne sont pas esgalemēt au laiçt de tous les animaux:

Ains en celuy d'Asneſſes et chame-
 les le laiſt-clair ſurpaſſe les autres
 parties: Le fromage en celuy de Bre-
 bis: Le beurre en celuy de Vaches,
 Mais le laiſt de Cheures tient vne
 mediocrité entre peu et trop, l'equi-
 parant et conſerant à cil des autres
 animaulx. Que ſi le voulions ba-
 lacer à parſoy, et faire comparaïſon
 de l'un à l'autre (à comme du laiſt
 d'une cheure au laiſt d'une autre)
 trouuerons y auoir telle differen-
 ce qu'auons predict: Auſſi la differen-
 ce prinſe de l'aage de la beſte, de la
 paſture, de la ſaiſon et partie de l'á-
 née, du temps que la beſte a faiſt
 ſes petitiz eſt fort grande. Dequoy
 ay parlé plus amplement au liure de
 la faculté des alimentz. Parquoy me
 contenteray ores d'en dire ce brief.
 Le laiſt de cheure prins ſans miel eſt
 dangereux. Car à pluſieurs s'eſt caillé
 dans l'e-

dans l'estomach l'ayant prins tout
 pur. Et quand cecy aduient chose *Di gressions*
 admirable tant il engrege qu'il suf-
 foque le patient! Mais encores
 est il plus admirable ce qu'aduient
 quand le sang s'est caillé au dedans
 d'une grande & profonde playe,
 ou en l'estomach, ou dans quelque
 boyau. Car ceulx à qui telz encom-
 bres & accidents aduiēnent demeu-
 rent coys, toutz esperdus, & refroi-
 dis, ayants le poulx bien petit & en
 mauuais estat. En oultre le sang cail-
 lé es playes entache & corrompt les
 parties voisines, saines & entieres.
 Or la cause, pourquoy la plus amou- *Doubte*
 reuse, amyable & familiere humeur
 de nostre corps (qui est le sang) e-
 stât refroidie, nous moyēne en nous
 si grād malaïse, passion & tourmēt,
 n'est pas de petite inquisition, ains
 requiert long temps à la trouuer.

Cecy est dit contre Erasistrate et sa secte. Par cecy neantmoins pouons facilement entendre quel effort & puissance ont les qualitez des humeurs corrumpees, desquelles quelques medecins tiennent peu ou point de compte, comme de chose qui ne importe, suyuantz l'erreur de ceulx qui premiers ont songé telles reueries.

Il reprend son propos du lait et fromage. Plusieurs donc quand il mangent du lait y meslent du miel, de leau, du sel, affin qu'il ne se caille dans l'estomach.

Le lait prins des que fort du tectin des animaulx qui sont en bon point, engendre bon sang en nous. Mais cil qui est beaucoup cuit nous fait en nous sang gros & espes: mesmement si on cuit ensemble de la farine de froment, ou du mil, ou amydon.

Toute sorte de fromage est de gros

grossiere substance, les vieux de mau-
uaise: le recent & fraichement fait
est propre pour faire vuyder le ven-
tre, moyennant qu'il soit prins de-
uant tout' autre viande & avec le
miel: Tel (di-ie) est de moins grossie-
re nature que le vieil, & non pas de
mauuaise (comme dit est cy dessus.)

Le lait-clair qui chet & degoutte *Le lait-
clair las-
che le ven-
tre.*
du caillé, est notamment bon pour
faire asseller & vuidier le ventre.

Le gasteau fait & assaisonné de *Des ga-
steaux.*
lait & fromage, est de grosse sub-
stance & nourriture, oppilat & estou-
pant les côduictz, & veines du foye:
De mesme que celuy qui est fait de
pure farine, de fromage & de lait,
en y meslant de ce que les Grecz ap-
pellent Lagana, & Rhyemata. Da-
uantage toute viande qui est faite
& appareillée avec le moult, fleur de
farine, ou autre de froment, nous

est de tout point mauuais nourrissement: mesmes ces Lagana & Rhyemata, avec toute boulangerie & pastisserie faite de froment, si est sans leuain, sont de grossiere & espesse nourriture, principalement s'il y a du fromage parmy. Ce que nous disons maintenāt Lagana & Rhyemata, noz Antecessours en general les ont appellé à mô iugemēt * Itria.

*Declaratio
de Laga-
na, & Rhy-
emata.*

* Itrion estoit vne sorte de gasteau fait, selon aucuns, de pure farine, ou graine qu'on appelle Sesame, avec du miel & eau: Autres disent estre ce qu'aucuns Practiciens nomment Vermicelli, parce qu'estoient faitz en forme de verms de farine fort destrempee d'eau, puis coulée & passée par vne poile de fer trouée: ou bien ilz prenoient de la paste, & la manioient si long temps qu'elle en deuenoit fort gluante & obeissante pour en faire quelque maniere de viande longue

guette

guette en façon de vers, laquelle ilz faisoient seicher au Soleil, plustost qu'au feu, pour en vser apres à espeussir le potage, ou autrement, comme Galen dit icy, en gasteau.

Au surplus les Escargotz font le ^{Des Escar-} sang gros & espes: Les œufz pa- ^{gotz & œufz} reillement, si sont si fort cuitz qu'ilz en soyent deuenus durs, sont de grossier suc & espes: Ceulx qu'on frit à la poille acquierent vne mauuaise qualité, si que leur digestion en est fumeuse & puante, corrompant le reste des viandes en l'estomach.

Au moyen dequoy ilz sont vne des dangereuses viandes qui soiét point entre celles de mauuaise digestion, à gentz mesmement qui n'ont bon estomach, mais ceulx qui sont molletz sont meilleurs & de meilleure digestion & nourriture: comme aussi ceulx qui sont cuitz si à propos

qu'on les peult humer : Lesquelz à ceste cause adoulcissent & applanissent le goufier aspre & desrompu, lors mesmement qu'ilz sont si plaisamment cuitz, qu'encores n'ont espessy, ny à peine leur humidité est prinse & amassée.

*Des poissons
qui ont
molle peau
& autres.*

Quant aux animaux aquatiques, les poissons qui ont la chair molle & sans nulle escaille, comme la Tau-
te ou Casseron, les Popes ditz quoc-
cus, les Seiches & autres de pareille
sorte sont trestous de grossiere, ter-
restre & gluant' humeur : Comme
aussi sont toutz ces gros & grandz
poissons, du nombre desquelz est la
Thonine : Neantmoins les peti-
tes & ieunes Thonines approchent
plus de moyenne bonté que les
grandes.

*Des poissons
à escaille.*

D'auantaige les huitres, Cornetz,
Pourpres (qu'en Prouence appellent
Bios

Bios cornetz) & generalemēt tous poissons à dure escaille (lesquelz Aristote à nommēz ostracodermata) engendrent sang fort gros, espes, & melancolique. Aussi sont les Chames (que aucūns dient estre noz Moules) les Patelles, Petoncles, Pinnes, & tout autre sorte d'huitres, & coquilles: Entre lesquelles les Pourpres, & Cornetz sont de chair plus dure & massiue, & de suc melancolique: Mais la chair des autres coquilles nommément des Huitres, est plus humide, tenante, & gluante. Or il fault noter & entendre que le suc de tous ces poissons à escaille, a vertu de faire vuidier le ventre, tout ainsi que le lait-clair: Mais leur chair, & partie massiue est grossiere, & dure à digerer, causant en nous quantité d'humeurs terrestres & melanco-

TRAICTE

liques ; ce qu'aussi font les Chous, Lentilles, & plusieurs autres viâdes, lesquelles neantmoins ne egalent en ce ceux cy. Ce que nous auons amplement traicté aux trois liures de la vertu des alimentz. Parquoy tout le demeurant des poissons que disions estre de grosse substance, sont de nature visceuse & gluante, fors quelques vns à escaille.

*Des chous,
& Lentilles.*

Les Chous, & Lentilles n'ont pas telle nature gluante, mais l'ont nitreuse & salée, propre à desuoyer le ventre.

De la Serpentine.

La Serpentine, autrement appelée Colobrine, est de nature acre, forte, & amere.

De Aron.

La plante nommée Aron, autrement pied de Veau, a ces deux facultez mesmes, toutesfois plus * imbecilles.

* En ce pais les a plus fortes de beaucoup.

Des Eschalotes.

Les Eschalotes sont d'un goust a-

spre

spre, & amer: si elles sont lauées & cuites en plusieurs eaux, ce que restera du corps fera dur, gros, & melancolique.

Les Champignons sont sur toutes ces viâdes froitz, gluantz, grossiers, & melancoliques en toute extremité, entre lesquels neantmoins on ne scait que les Boletz(^a que i'estime estre noz Mouscerons, ou ces potirons qui croissent aux prés) ayent iamais fait mourir personne quelconque: Vray est que n'estant bien cuitz & digerez en l'estomach, ont donné la Colique à maintz personnages: mais d'auoir magé des autres, beaucoup en ont esté fort malades d'une suffocatio d'haleine, ou flux de ventre, ou colique.

Des Champignons.

Qui rendent tres-soefue senteur, distz Mouscerons pource que ilz croissent das les comstaux moisceux.

Les Truffes sont de substance vn peu grossiere, non pas fort dange-reuse.

Des Truffes.

T R A I C T E

*De l'Amy-
dō & noix
de pin.*

L'Amydon pareillemēt est de plus
espeſſe nature & groſſe, non pas
mauuaife.

De meſme faculté est la noix de
pin, laquelle pluſieurs appellēt ſtro
bilon (en Grec.) * *Lavieille verſion, &
ce que Galen dit au xxvij. chapitre du ſe-
cond liure des alimentz, m'ont induit à
corriger ce paſſage icy, & au lieu de (hi
palei, c'eſt à dire, anciens) y lire (pleiſti,
ceſt à dire pluſieurs.)*

*Du foye,
Reins &
teſticules.*

Le foye, les Reins, les Teſticules
ſont au reng des viandes qui ſont le
ſang gros & eſpes: Mais le foye n'eſt
pas de mauuais ſang: les reins, & te-
ſticules peu ou point ſont de bon
ſuc: Excepté les Teſticules des pollets
engreſſés: comme auſſi ce foye-la
eſt bon qui eſt prins d'un pourceau
nourry de figues ſeiches, au moyen
dequoy on l'appelle en Grec Sycotō
(c'eſt à dire qui eſt prins d'un pour-
ceau

ceau entretenu de figues.)

Combien que la rate des autres a- *De la Rate*
nimaux soit d'affes mauuais suc, ne-
antmoins celle de porc l'est moins.

Le cueur est de substance plus du- *Du cœur*
re, ferme, & nerueuse, ayant plus de
fibres & filamentz que les autres
entrailles principales. Car la substan-
ce interieure des vaisseaux qui sont
aux autres entrailles (^a comme au
foye & rate) est semblable à vn sang
caillé: mais au cœur il y a multitude
de ces filamentz lōgs & ferréz, tout
ainfi qu'on voit aux Muscles, entour
desquelz filamentz la chair s'est cail-
lée, vnée & amassée: Parquoy on le
met au nombre des Muscles & par-
ties charnues du corps, desquelles sa
corpulēce, espaisseur & grādeur pro-
vient & consiste, aussi fait il ce qu'on
nomme proprement chair, qui est
mangée aux Sainctz Sacrifices &
obla-

oblations des bestes.

*Des Mus-
cles lesqz
dit auoir
teste, queue
& ventre.*

Le commencement, qu'on nom-
me pareillemēt teste des muscles, est
quelque peu nerueux & dur, par ce
qu'il est fait des ligamentz qui ys-
sent des os: Les tendrons & cordes
nerueuses prouiennent de la fin &
queue des muscles: A ceste cause ilz
sont de substance dure & nerueuse,
tant à la queue que à la teste: le my-
lieu d'eux est de tout poinct charnu,
nourrissant beaucoup, & est appel-
lé chair, ayant neantmoins en soy
des ligamentz, cordes, & nerfs mes-
léz, & si tresfort desliéz qu'on ne les
scauroit voir. Attendu donc qu'ilz
ont au parauant commencé d'appel-
ler & ainsi nommer ceste partie du
mylieu Chair, à bon droict leur sem-
ble auoir appelé la queue, & teste,
Muscle. Mais c'est autrement, car le
Muscle est tout ce qu'on voit distin-

gué

gué & séparé des autres parties par certains limites, comme par traictz de ligues. A ceste cause il faict tel *Difference de mouuement naturel, & volontaire.* mouuement qu'on veult: Car tel mouuement est ainsi appelé volontaire, pour mettre difference entre luy, & le naturel, qui pas n'est volontaire. *par ce qu'il se faict sans nostre vouloir, comme on peut voir en vn dormant, qui neantmoins a mouuement de cœur.* Les parties donc des muscles sont en telle difference qu'auôs dit.

Es parties extremes des animaux a peu de chair, & assez d'os, & de nerfz: Non qu'il y ayt beaucoup de ce nerf là qui fait & cause le mouuement volontaire, *Des parties extremes.* car il est bien petit & delié en ces endroictz là: mais plustost du ligament que les Grecz anciens ont nommé Tenonda, (& les Latins Tendonem, nous, n'ayant autre terme l'appellerons Tendon, ou corde

corde (selon le vulgaire) & les modernes medecins le nomment Aponeurosin, (côme si on disoit extremité, ou deriuatiō de nerf.) Ces parties icy extremes, estant cuites, sont de suc assez gluant & tenāt: parquoy le nourrissement, qu'elles nous donnent, sera de mesme.

*Du Groin
& museau
des ani-
maux.*

Les parties qui sont pres du groin & museau des animaulx à quatre piedz, sont de pareille et semblable nature: car elles engēdrēt suc gluāt, non gros ny espéz: Ce que leur cuisson monstre & descouure: car elle les rend enflēz et boufiez, sont neātmoins de bonne digestion. Ausy

Des ailes.

sont les ailes des volailles, par mesme raison que le corps des bestes qui font exercice: Au moyen dequoy n'engendrent pas excrementz, ny superfluitēz et ordures, côme font celles qui viuent en oyssiueté.

La peau de pourceau bien cuite, De la peau
de pourceau
ores que soit gluante & grosse, toutesfois n'est pas de trop grosse substance, ne aussi de telle, ains beaucoup pire que les extremitez, engédrant en nous fort grandes superfluitez & ordures.

La ceruelle partie de l'animal, est De la ceruelle.
aussi de grosse & espesse substance, & la moile de l'eschine avec.

Mais les Glandes tiennent en ce Des glādes
& testicules.
quelque mediocrité, cōme aussi les Testicules des ieunes bestes sacrifiées aux Dieux. * Pline dit que les Cochons n'estoiēt purs & netz pour estre sacrifiez aux Dieux, iusques au cinquiesme iour de leur naissance: Les aigneaulx au huitiesme: les Toreaux au trentiesme, qu'est vn temps auquel ces bestes n'ont encores esté en chaleur, & par ce leurs testicules sont encores bons. Car il cōuient faire vn Preceptes
généraulx
des parties
& mēbres
de tous le
animaulx,
memoire en general, de toutes les parties & membres des animaulx.

TRAICTE

Les parties des bestes desia vieilles & aagées sont dures, seiches & mal aisees à digerer: celles des ieunes sont moytes, mollettes, tendres, & par ce aisees à digerer, hormis celles qui ne font que sortir du ventre de leur mere: car leur chair est par trop baueuse & humide, signammēt celle de ces bestes la, qui sont de nature fort humide, comme sont les aigneaulx, & porceaux: Les cheureaulx, et veaux, par ce qu'ilz sont bestes de cōplexiō & temperature* seiche et melancolique, ont la chair de meilleure digestion & nourriture, * *elles estant ieunes, car lors leur chair n'est encores seiche, ny melancolique.*

*De la lan-
gue.*

Or tout ainsi que les Testicules, & Glandes sont semblables en temperature, ainsi mesme est la Lāgue, qui est de sa nature rare & glanduleuse.

Les

Les Glandes qui sont aux mameles, *Des tettins*
 les, ayât en soy du lait, s'appellent (en
 Grec) outhata, (c'est à dire tettins,) &
 sont de gros suc & humeur, tou-
 tefois ilz nourrissent beaucoup, & fe-
 rôt en nous bõ sang, si la beste, de la-
 quelle on les préd, est en bõ point.
 Ce que doit estre par tout entendu, *Precepte*
 & tenu en memoire: Car c'est vng *apres repe-
 té.*
 precepte general de toutes viandes.

Les medecins tous d'vng accord *Du lait.*
 ont escrit que le lait engédroit bon
 suc: Aumoyen dequoy maintz en y
 a qui estiment que luy seul peult re-
 medier & guarir à ceulx qui ont vl-
 ceréz les poulmós (lesquelz on ap-
 pelle Phthifiques) pourueu q' l'ulcere
 ne soit pas fort grâde, ny endurcie.
 On prefere le lait des fêmes, à tout *Du lait de
 femme.*
 autre pour ces affectiõs phthifiques:
 à raison de la conuenance & fami-
 liarité qu'il a avec nostre nature, &

substance: Et principalement Euryphon, & Herodote sur tous les autres medecins tiennēt ledict laiēt estre plus sain & salutaire, si ceulx qui sont engregés de telle maladie le succēt de la mamelle, mesme cōme vn petit enfant: Par ce qu'il perd sa bōté quand il decoule & ruissele du tectin^a si on le tire autrement.) Il est dōc tout certain q̄ le laiēt est vne viā de la meilleure, & de meilleur suc q̄ les medecins, principalemēt cy dessus ditz, & autres ont sceu choisir.

Aduertissement & precepte general.

Or il est besoing remettre en memoire ce que generalemēt auōs dit, nō de ceste viāde seulemēt, mais aussi de toutes autres: A scauoir que le laiēt des animaulx gras & en bon poinēt est plaisammēt bon, & de bō suc: Celuy qui est pris des animaulx fort maigres ne pourroit estre que mauuais, tout ainsi que leur sang.

Car

Car n'est possible que le laiçt face bõ
 fag s'il est prins d'animât chargé de
 mauuais humeurs. Parce le laiçt
 des animâs bié dehaitz & dispostz,
 est, cõme i'ay diçt, de tresbon suc &
 nourriture: cõme aussi font les glâ-
 des des Tettins, qui ont du laiçt en
 soy, & autres qui n'en ont si on les
 prend de bestes saines, & en bon
 poinçt: Pareillemēt le foye, & testi-
 cules sont de tel suc que leurs bestes.
 Car s'ilz sont prins de bestes en mau-
 uais poinçt, ne scauroient engédrer
 en nous bon sang: nõ plus que prins
 des bestes vieilles qui oncques ne
 furent de bon suc. Mais toute beste
 de laiçt, tettant de mere ayant bon
 sang, a le foye de bon suc, & ses au-
 tres parties aussi.

*De la
 chair de
 laiçt.*

Cy apres nous dirons quelles hu-
 meurs les autres parties d'animaulx
 engendrēt. Il est maintenāt raison-
 nable.

*Il reprēd le
 propos des
 viandes
 grosses.*

T R A I C T E

nable de paracheuer le propos entamé des viandes de gros suc & espes. Les quelles, attédu que bié peu nous en restent, briefuement discourray: Puis apres ayât deduit & déterminé quelles d'entre elles sont bônes, quelles mauuaises, passeray aux autres. Car le proffit & vsage de ce present traicté aspire à sçauoir eslire et choisir les viandes qui font bon sang, en abhorrant et fuyât celles qui le font mauuais. Veu donc que les viandes de grosse & espesse substance, côme nous auons proparlé au commencement de ce liure, empeschét la trāspiration, & rafraichissement de nostre corps, en estoupant les pores & conduictz d'iceluy, du foye, des reins, ie conseille de ce pas de n'en vsfer continuellement: cōbien qu'elles soiēt de bon suc. Mais du tout se faut abstenir de ces viades la qui en-

gen-

gendrent mauuais sang, ores fussent elles subtiles, ou grosses & espees:ia çoit qu'il se peut faire, comme nous auons dit, que ceulx qui font vehement exercice, n'ayant les entrailles mal formées & composées de nature, pourront vser de ces viâdes grosses & espees, sans leur en aduenir mal ny dommage, les autres point.

Les deux especes de Glan, à sçauoir celle de chefne, & celle de Palme, (laquelle & son fruit aussi les Grecz appellent Phœnicas) sont de suc gros & espes.

*Des Glâs.
Balanos en
grec. Glan
en François
signifie en
grece tout
fruit.*

Entre les fruitz des chefnes les chastaignes sont les plus doulces & plaisantes à l'homme:lesquelles tât ceulx qui sont aux villes qu'ailleurs en Asie surnomment Sardianes, & Leucenes, à raison des lieux ou elles produiennēt: on scait assez parquoy sont appellées Sardianes, mais les Leuce-

*Des chas-
taignes.
Dris, cest à
dire chef-
ne, signifie
en Grec
toute sorte
d'arbre, &
par ceil est
mis icy tât
pour le cha-
staignier q̃
pour le
chefne.*

nes ont prins leur nom de ie ne scay
 quel lieu de la mótagne de Ide, qui
 est ainsi nommé en pluralité (com-
 mes'il en y auoit plusieurs) tout ain-
 si que Thebæ. On menge commu-
 némēt toutes ces especes & gères de
 glands, tantost crus, tātost rostis, tāt-
 ost boullis: Voire mais ceulx qui
 sont longuetz, & semblables aux da-
 ctes, plustost sont pasture & viande
 de pourceau que d'homē, * fors que
 en extreme necessité, cōme aduient
 quelques fois au tēps de disette. Les
 glandz du chefne nommé Ilex (en
 Prouence Yeuse) sont durs, astrin-
 gentz, aspres, & austeres. A ceste cau-
 se sont mal plaissantz, voire & les fit
 on boullir: par ce sont mal aisēz à
 digerer, & font en nous gros suc &
 espes, au moyē de quoy s'en faut ab-
 stēir. * *En quelques endroiētz d'Espai-
 gne, et Portugal on mēge de ceux cy, tout
 ainsi*

ainsi que de noz Chastaignes, & les appellent, comme il m'a esté dit, Belotes.

Or il est certain que le suc austere, & le suc acerbe, (ou aspre) sont quelques especes & differences de plus & moins du suc astringant & reserrant. Car les choses austeres & rudes sont moins astringentes: Les acerbes & aspres, pl⁹. Parquoy d'autant que ces glands d'Ilex sont plus aspres & reserrantz que les autres, d'autant les autres reserrent plus que les Chastaignes, lesquelles peu ou point sont reserrantes, combien que soient au nombre des viandes grosses & espesses, comme les glands: neantmoins sont de meilleure & plus aisée digestion, & pas ne sont de suc mauuais ny vitieux, n'aussi reserrent si fort le ventre. Toutesfois se fault garder d'en manger par trop, non seulement

*Difference
d'acerbe et
austere.*

par ce qu'elles sont de grosse substance, comme beaucoup d'autres viandes cy dessus mentionnées, mais par ce que sont mal aisées à digerer: puis reserrent le ventre & font en nous ventosités.

Des dactes. Les Dactes (autrement surnommées en Grec phœnices, de mesme que le palme) sont de suc doux, amyable, & reserrant. Quelques nouveaux medecis les ont appellées par nom composé Phœnicobalanos, ce que n'estoit en vſage au temps de noz Grecz anciens. Car ilz appelloient ces fruietz icy Phœnicous Balanous (c'est à dire glandz & fruitz de Palme) non pas Phœnicas, ou Phœnicobalanous. Mais ce n'est pas icy que i'ay proposé determiner de la difference des noms & appellations des choses: C'est à faire à gentz qui ont plus grand loysir, & non pas

pas encores à toutz ceulx la, mais si-
gnamment à ceux qui ont estudié,
& aprins le vieil, & disert langage
des Grecz Attiques. Or, combien
que tout homme ayt affaire de san-
té, neantmoins par ce tous ne peu-
uent pas vser de diete, ou à cause de
leur incontinence & vie desfreiglée,
ou à cause des occupations, ou bien
n'entendant ce qu'est mestier de fai-
re: Nous auons entrepris ce liure
cy tant seulement pour ceux qui peu-
uent congnoistre la maniere & rei-
gle d'entretenir la santé, & qui par
icelle se veulent regir & gouverner.

*Pour quel-
les gēz ce
liure a esté
fait.*

La chastaigne, les Glands d'Yeuse
& chesne ne sont pas fruitz gran-
dement differentz entre eux, confi-
deré l'arbre de chacun aparsoy: mais
si sont bien les Dactes entre elles.

Car si quelqu'un faict comparai-
son de la Dacte d'Egypte (à qu'aucuns
dient

dient estre vne espee de noz Myro
balás) qui est dure, seiche, austere &
rude, avec celle qu'on nomme (en
grec) pateton (comme si on disoit ta
pye & foulée) qui est fort doulce, &
quelque peu reserrate, luy semblerot
estre de nature diuerse & contraire.

*Aduertis-
sement des
viandes
grossieres
& doulces
ensemble.*

Il en y a d'autres, qui sont entre
celles cy, ores plus, ores moins a-
pres, & doulces. Leur suc est
gros & espes, causant facilement
oppilations de foye: Ce qu'est à
noter es viandes grosses, & ensem-
ble doulces, comment leur suc faict
obstruction & oppilatiõ de foye, &
rate: Puis, si aux entrailles a quelque
petit commencement d'Inflamma-
tion, elles l'augmentet & embrasent
dauantaige: apres sont cause d'in-
flamations, vétositez, & duretez,
& Apostumes.

Mais cecy d'auenture est trop for-
uoyer

uoyer de la diete salutare, qui est v-
ne partie du present liure. Parquoy
retournons à nostre propos, en y ad-
ioustant ces viâdes-la qui font gros
suc, ou^e gluant: Aucuns lisent icy (&
doux) & mesme nostre Grec: mais
ne conuient si bien à ce que s'ensuit
que l'autre (desquelles en y a qui tant
seulemēt sont de suc gros & espes, cō-
me les lentilles: D'autres de gluāt &
tenāt, cōme la Maulue: Autres qui tiē-
nent des deux, cōme le poisson sans
escaille, & à escaille, que Aristote nō-
me ostracodermata (¹ comme sont
les huiētres.

Nostre plus propre nourriture
est celle qui prouient des viandes
quine font ny grosses, ny gluantes:
desquelles s'engēdre vn bō sang de
moyenne consistance: Mais le nour-
rissement prouenāt des viâdes sub-
tiles & extenuātes est mauuais, dau-
tant

*La marque
des bonnes
viandes.*

tant que le corps n'estant gueres sustenté, ny nourry d'icelles deuient gresle, & imbecille. Parquoy les viandes de moyenne nature entre celles qu'auons dit n'estre par trop tenantes ny gluantes, sont au reng des meilleures & plus recommandées pour la santé. Mais aussi, celles qui se brisent trop ligierement, n'ayant que bien peu d'humidité & moytiffure tenante & naturelle, sont dangereuses. Car il est aduis aux gentz qui mengent du pain de Panis, ou Mil, auoir en leur bouche des cendres ou sablon: A ceste cause quand on en faict vn Etnos, ou bien vn Lecythos (qui sont noms de boullie) il y conuient mesler quelque gresle, ou autre chose gluante. Quand donc les gentz des champs mengent de ces viandes, ilz y mettét de la gresle de pour-

ceau

ceau, ou de cheure, ou de l'huyle,
ou bien quelque lait de Brebis, ou
de Vache.

Ce que nous appellons icy Etnos, *Etnos, &*
se fait de tout legume cassé, & frois *Lecythos*
se: desquelz moulus qu'ilz soyent, *dequoy se*
& mis en farine, se fait le Lecythos, *font.*
en cuyfant le tout avec eau & quel-
que gresse.

Il y a quelque sorte d'alimentz, les-
quelz considéré à par soy auant que
les apprestier, comme boullir, rostir,
fricasser, tremper en eau, apparoi-
stront de soy terrestres & durs: La
ou si sont boullis, ou mis en infusion
& trempez en eau, deuiendrôt mol-
letz & tendres: comme par exem-
ple l'orge, & froment entre les es-
speces de bled: Les pignolatz ou
pomme de Pin entre les fruiçts d'ar-
bres. A cause dequoy nous conuiët
estre soigneusement attentifz, non
seu-

seulement en marches & païs estran-
 ges, mais aux nostres mesme, de fai-
 re la prouue & experience auât que
 menger de ce que n'aurons acoustu-
 mé, le faisant tremper en eau pre-
 mierement, & plustost que le boul-
 lir ou rostir. Car entre toutes les
 semences, graines, & fruitz quel-
 conques, ceulx qui s'enflét & engros-
 sissent delaisâtz leur vieille dureté,
 & seicheresse, deuenantz molz &
 moites, sont en bôté les plus recom-
 mandez: Au contraire ceulx qui re-
 tiennent leur dureté acoustumée, &
 peu ou point engrossisét, sont les pi-
 res pour estre de difficile digestiô, de
 terrestre & melancolique substance,
 ayâts besoing de faculté & force de
 corps robuste & puissante, qui les cui-
 se & digere dans l'estomach, & les
 puisse conuertir en bon sang au foye
 & veines: A quoy les corps imbecil-
 les

les ne peüent fournir, qui est cause d'un tas d'humeurs crues, & d'indigestiõs, dõt plusieurs & diuerſes maladies ſont cauſées. Or par ce qu'en chaſque eſpece de fruitz a grand diuerſité, ie vous prie y vouloir entendre, & aprendre par vne certaine experience de quelle nature ilz ſont, en les faiſant tremper ou perboulir lors qu'il vous en faultra manger. Par ce donc mon pere eſtant fort ſtudieux & curieux de ces choſes cy, il experimentoit la bonté des Amendes, des Noix, & Noifettes, des ° Glands & Chaiſtagnes, ſemblablement des Febues, Pois, Geſſes, Erueilles, Lupins, Orchres, & Doliches (qui ſont noz Faſcoles, ou ce que en aucuns endroiçtz de France nóment Pois-ferrez, en quelque partie de Gaſcoigne les appellent mongetes) quelques

TRAICTE

ques vns disent estre les Erueilles
les faizantz ores tremper en eau, ores
perbouillir pour cognoistre leur
bonté seló qu'ilz se feront enfléz &
remplis.

De l'Orge.

Quand est de l'orge n'est ia be-
soing d'en parler: car mesme les en-
fantz congnoissent que cil, qui sou-
dain qu'est mis dans l'eau s'enfle, est
le meilleur, cil qui bien peu, en tré-
pant neantmoins long temps, est le
pire: Car le premier se fond & at-
tendrit deuenant comme cresse:
Le secód à peine se fond, ains retient
sa durescé, rendant bien peu de cress-
me & suc.

Il y a quelques semences qui peu
ou point engrossissent en cuyfant:
A ceste cause quelques medecins
Grecz du temps passé les ont appel-
lées Ateramna (c'est à dire Estaim-
mes & difficiles à cuyre.) Mon pere
donc

donc faisoit l'experience ainsi que dit est, voire & du bled, & par la foison aussi, & abondance de farine: par ce que celuy qui en rend le plus, est le meilleur: celuy qui moins le pire.

*La merque
du bled.*

Pas ne fault estimer que ce que ie dy ores icy, soit hors de propos: Car ce sont de maximes & preceptes generauxx seruantz à tout grains, semences, fruietz qu'on met en reserve pour en vser: lesquelz par lōgs iours ont esté examinéz, & par longue experience approuvéz & emologuéz par mon pere & moy.

Il appert manifestement que i'entens ces fruietz-la se pouoir conseruer, lesquelz auant que se moisir, ou pourrir, se deseichent aisément: Ce que tous ne peuuent pas porter, comme les Meures, Pompons, Melons, Presses, Pesches, & seblables, à cause

*Quelz
fruietz s'ont
de reserve*

*Aulcuns li
sent icy (les
Potirōs) no
stre grec
(tasalias)
cest à dire.
(les ven-
tres) qui est
tresmal cō
uenāt à la
sentence.*

qu'ilz sont preuenus de pourriture
plustost que deuenir secz & arides.
Plusieurs neantmoins tronsent, &
coupēt les courges en menues pie-
ces, & apres les font seicher : D'au-
tres les potirons, lesquelz monstrent
grand signal de prauité, & malice
s'ilz ne peüent seicher & fletrir.
Voire mais qu'est il besoin de parler
des prunes, attendu que toutes gēt
sçauent que elles se gardent, nō seu-
lemēt en Damast & Espagne, mais
aussi en nostre pais? Parquoy bien
peu de fruitz trouuera-on qui ne se
puissēt seicher & garder, fors que, cō-
me dit est, les Pōpons, Melōs, Abri-
cotz, pesches, & auant pesches, que
les latins ont appellé Præcocia. Les
figues semblablemēt deseichées sont
de durée. Les concōbres semblable-
ment se gardent tout ainsi que les
courges. Toutes ces choses icy qui
sont

sont reſeruées pour en vſer l'huy-
er, doiuent eſtre examinées de la me-
me façon que cy deſſus auons dit.

Car ces choſes-la qui dans l'eau
cuytes, ou non cuytes, bien toſt ſ'a-
molliffent & ramoitiſſent, ſont les
plus ſaines & meilleures de leur ſor-
te: Celles-la ſont les pires qui peu
ou point ſ'engroſſiſſent, en trem-
pant neantmoins long temps. Il
faut donc entendre & noter que les
viandes qui deuiénent incontinent
groſſes & enflées, ſont les plus recô-
mandées en bonté, non ſeulement
pour la diſteſtion, mais auſſi pour
engendrer bon ſang: A raiſon de
quoy tout ce preſent Traicté eſt
mis en auant. Car les viandes qui
ſoudainement ſ'enflent & engroſ-
ſiſſent, ſont naturellement fort bon-
nes: Par ce qu'elles ſe digèrent mieux,
& engendrent meilleur ſang.

*Le preſent
Traicté en
ſeigne fai-
re bñ ſang.*

Car nulle viande fait meilleur sang
 que celle qui est bien cuite & dige-
 rée en l'estomach: à raison que telle
 viande est par apres mieux digerée
 à la seconde, & tierce digestion. Or
 vous sçauiez que la seconde digestiō
 se fait au foye & veines: la tierce en
 chasque partie nourrie & alimētée,
 à cause de laquelle auōs besoing des
 deux premieres. Car toutes choses
 viuātes sont nourries & entretenues
 d'vn aliment changé en qualité, &
 fait semblable à la nature & sub-
 stance des choses nourries: Or les
 viandes qui sont preparées & cuites,
 se changent plus aisément en sang
 & substāce, que celles qui sont crues
 & non apprestées. Car les conco-
 ctions & digestions s'entresuyuent,
 & l'vne succede à l'autre: Celle du
 foye succede à celle qui se fait en l'e-
 stomach: Et celle des parties qui se
 nour-

*Trois dige-
 stions.*

*Commēt on
 est nourry.*

nourrissent, succede à celle du foye. Parquoy donc le foye cuyt & ap-
preste les viâdes pour toutes les par-
ties du corps : l'estomach pour le
foye : la bouche pour l'estomach :
pour la bouche tâtost le boullir, tan-
tost le rostir, ou frire, ou seulement
tréper: Et nature maistresse & nour-
rissiere de toutes ces choses-la, pro-
duit plantes pour nous apporter
fructz: De sorte qu'elle nous donne
maintes choses qui n'ont affaire d'e-
stre ny boullies, ny rosties, ny trem-
pées, ny autrement préparées. Il nous
faut donc souuenir de ces preceptes
cy en general: Car ilz sont commûs
à toutes choses bonnes à manger.

Ores nous viendrons toucher les
choses particulières qu'auôs omises
& delaisées, comme sont entre les
parties des animalx, les intestins, le
ventre, la marris, les oreilles, les

yeulx, les queuës: Puis maintes semences, maintes herbes qu'on mange volontiers, maintz fruitz qui tantost passent.

*Du Gisier,
matrice et
intestins.*

Le ventre donc & Gisier, la matrice, les intestins sont de substance plus dure que la chair: Et tant plus qu'ilz sont de dure substance & seiche, d'autant sont ilz de difficile & mal aisée digestion: & de plus mauvais suc & moindre nourriture que la chair.

*Des queuës
& cols.*

Les queuës surpassent les autres parties en dureté: au reste quant à la digestiō, & nourrissēment, elles sont proportionēes & mesurées à leur dureté, fors que n'ont si grand quantité de superfluités que les autres membres, à raison de leur mouuement.

Les cols des volailles sont pareilz & semblables au queuës.

*Du ventre
des Animaux.*

Le ventre des animaux à quatre pieds,

pieds, & le Gifier des volailles sont fort differentz: Car le ventre des animaux est gros, dur, & malaisé à digerer: les Gifiers moyennât qu'ilz soient bien cuitz & digerez, sont de grand nourrissement, principalement ceux de poulailler & d'oye: mais le

De l'oye.

demeurât de l'oye, fors que les ailes, est dur, de mal aysée digestiō, & chargé de superfluites & ordures.

*De l'Au-
struche.*

Les parties & membres des Austruches sont dures & massiues, chargées de superfluites & mallement difficiles à digerer.

Des Oreilles.

La membrane & cartillage des oreilles peu ou point nourrit pour estre vn corps sec: leur peau exterieure est maigre, extenuée, seiche, peu nourrissante, & mal aysée à digerer.

Des yeulx.

Peu de gentz y a qui mangent les yeulx, par ce qu'ilz sont de plusieurs

TRAICTE

& diuerſes ſubſtâces: Car leur tunique & mēbrane eſt d'vne ſubſtance, leurs muſcles & chair eſt d'vne autre, d'vne autre leurs humeurs nommées Cryſtalloides, & hyaloides (par ce que reſemblent au cryſtal & voirrefondu:) D'entre toutes ces parties n'en y a que les muſcles & chair qui ſoyent de bonne diſteſtion.

*Des pour-
ceaux.*

*Aucuns en-
tendent ce
cy autre-
ment.*

Les pourceaux de moyen aage ſont eſtiméz plus que pas vn des animaux qui ont propre & conuenante nature pour engendrer bon ſang: Car ceulx qui deſia ont atteint le pl^{us} haut de leur aage, ſont propres pour gentz d'aage fleuriffant, & faiſantz exercice: Ceulx qui encores croiſſēt, ſont nourriture propre & conuenante pour gens d'aage declinant.

Plinẽ dit que les Pourceaux viuēt quinze, ou vingt ans: aucuns cuydent que leur

moyen

moyen aage & meilleur pour les manger,
est lors qu'ilz ont vn an. La chair des
cochons fort ieunes & petitz est plei- *Des co-*
ne d'excrementz & superfluitez *chons.*

(celle des vieux pourceaux est mau-
uaise, à cause de sa dureté & siccité.)
La chair de porc donc est recomma- *Quelles*
dée en bonté, plus que celle des au- *chairs sont*
tres animaulx à quatre piedz: Secon- *les meilleu-*
dement celle de cheureaux: puis a- *res prinſes*
pres celle des veaux. *des Ani-*
maulx à
quatre
pieds.

La chair d'Aigneau est moite,
gluante, & baueuse: ie conseille de *De la*
ce pas à toutz & chascun qui aura *chair d'Ai-*
soing d'auoir bõ sang, & entretenir *gneau.*
son corps en bõ point, s'abstenir &
garder de la chair de tous autres a-
nimaulx à quatre piedz: La dif-
ference & diuersité desquelz se-
lon leur especes, a esté dicté au tiers
liure de la faculté des alimentz.

L'orgemondé

De l'orge-
mondé.

L'orgemondé deüement cuit, est
vne viande pour faire bon sang des
plus recommandées qui se fassent
point de grain quelconque, pose
que l'orge soit tresbon: Car s'il n'est
tel, onques ne pourra bien cuire, &
trempant en eau, peu ou point s'en-
flera, ny fondra en crespme: Mais de
l'orgemondé nous en auons plus
amplement & assés de foys parlé
aux liures de la vertu & faculté des
alimentz, en la methode de guairir,
& aux commentaires sur le liure de
Hippoocrates de la reigle de viure en
maladies agues. Il suffira ores pour
la matiere presente en faire ce brief
discours: à sçauoir que l'orgemon-
dé bien appareillé, & assaisonné est
vne viande sans nuysance, ny re-
proche, tant pour engendrer bon
sang, que pour entretenir la santé:
neantmoins il est de moindre nour

riture que le bon pain, duquel auôs
parlé au premier liure des facultez
des alimentz.

Le Senegré ne faict pas bon sang
si on en prent largement, Mais si
faict bien l'orgemondé: & combien
qu'on s'en saoule tous les iours, par-
ce neantmoins on ne nuyt à son bô
sang, ny à l'en bon point. I'en di-
roye autât des febues si elles ne fai-
soint ventz: Car pas ne sont de mau-
uais suc, & ne causent oppilations,
qui est l'enclau. & principal point
qu'il faille noter en matiere de vian-
des saines: Dauantage elles sont de
faculté & vertu absterfiue & net-
toyante, voire & autant que l'orge.

Les pois ont cela de bon qu'ilz
n'engendrent pas ventositez, mais
peu ou point nettoient au regard
des febues.

Tou-

Du Senegré.

Des febues.

Des pois.

TRAICTE

De la Lentille.

Touchant la Lentille tout chacun scait qu'elle est de mauuais suc, & melancolique: de laquelle Lentille nous vsions maintesfois en plusieurs maladies comme de medicament: mais ce n'est pas icy qu'il faut parler des medicamentz.

Les Erueilles ou Faseoles sont pires que ce qu'auons cy dessus dit, neantmoins sont meilleures que les Gesses.

De l'Olyre & bled bastard.

Après l'orge il faut réger en bôté le bled bastard (qu'aucuns disent estre l'Espeuere, ou ce qu'en quelque partie de Gascoigne nomét Sarde)

Du Panis, & Millet.

puis le Segle: Mais se fault du tout abstenir du Panis, qu'aucuns des Grecz anciens ont surnommé Meline (en quelques endroitz de Gascoigne l'appellent Mofene.

Le millet est semblable au Panis, toutesfois n'est si dangereux.

Les

Les pois ciches (en Gascoigne nō- *Des Pois ciches.*
mēz cezes becus) sont moult nourris
santz, mais engendrēt mauuais sang
& ventositēz, de mēme que les Feb-
ues: puis attisent le brasier de Venus,
en accroissant la semence.

Les Lupins sont de fort grosse sub- *Des Lupins.*
stance, par ce est il manifeste qu'ilz
nourrissent abōdamment, tout ainsi
q̄ les viādes grosses peu ou point ca-
cochymes ny de mauuais suc. N'est
ia besoing d'amener le reste des legu-
mes en ce propos des viādes qui en-
gendrent bon sang, attendu qu'on
n'en vse si ce n'est en disette, & cas
forcé: Et ce sera assez parlé des legu-
mes. Il fault de ce pas mettre en a-
uant les fruitz.

Or donc toutz fruitz d'arbres, ou *Des fruitz d'arbres.*
biē peu s'en fault, engēdrēt mauuais
sang, fors que les Chastaignes: Les- *Des Cha-
staignes.*
quelles bien digerées en l'estomach
sont

TRAICTE

sont de grosse & espesse nourriture,
non pas de mauuais suc. Mais ces
fruietz la qui ne s'ot de reserue, entre
toutz les autres sont de mauuais &
vitieux suc: Et si d'aueture se corró-
pent en l'estomach, degenerét pres-
que en venim mortel, comme les
Meures: Lesquelles cōbien que soiēt
plus bonnes & attrempées que les
pesches, & prunes: neantmoins leur
corruption est autant dangereuse
que de celles cy.

*Des meu-
res.*

*Des figues
& Rai-
sins.*

Les figues & raisins sont beau-
coup pl⁹ recōmādez en bōté que les
fruietz cy dessus mentiōnes: nō ob-
stant qu'ilz soient racomptez entre
les fruietz de petite durée, qui se cuil-
lent en ce temps la que les Grecz
nomment proprement Oporan (en
France n'ayantz propre terme, cō-
me les Grecz, dirons que c'est tout
le temps des iours caniculaires, &
plus,

Oporan.

plus, cōme depuis enuiron la Madaline, iusques au commencement de Septembre, peu s'en fault:) En oultre, il y a grand difference entre les fruietz entierement meurs, & non meurs: Car les figues meures poinct ou peu sont nuysantes: Puis les Raisins bien meurs, lesquelz, moyen- nāt qu'ilz demeurent pendus quelques iours, delaisent toutes inflations & ventositez, deuenatz bons en perfection.

S'il y a quelqu'un qui die les figues seiches estre de bon & mauuais suc ensemble, on cuidera qu'il aduiene choses contraires & incompatibles. Toutesfois il est certain qu'elles sont salubres, & insalubres: Car si trespasent le ventre, & l'aliment d'elles est digere, & distribue au foye. I'ay mis icy foye, au lieu de (Reins) & corps au lieu de (Peau)

*Des figues
seiches.*

suivant

TRAICTE

suiuât le sens plustost que les parolles
& à tout le corps elles sont salubres,
& de bon suc: Mais si elles s'arrestent
& accrochèt ausdictes parties, veri-
tablement elles font vn trefuitieux
sang & depraué, engendrâtz grand
quantité de poulx. Les figues men-
gées avec les noix, est vne viâde d'in-
finge bonté, & prinées aussi avec les
amendes pour destouper & ouurir
les oppilatiōs: nō toutesfois qu'ainfi
soit de si bon suc & salubre qu'avec
les noix: avec lesquelles sont plus
profitables à tout faire.

*Contrepoi-
son & pre-
seruatif de
peste, &
tout autre
venim.*

Il y a quelques vns escriuantz, de la
composition des remedes contre les
venims & peste, qui ont laissé par es-
cript que les figues seiches prinées a-
uec la Rue & Noix, est vn souuerain
& singulier preseruatif & remede
contre toute poison, venim, & con-
tagion pestilente. Pline raconte en son

xxij. liure de l'histoire naturelle, chap. viij. qu'apres que Pompeie eut vaincu le Roy Mithridates, il trouua en son plus principal Cabinet vne composition d'Antidote & Cõtrepoison escripte de sa main propre, qui estoit de deux noix, deux figues seiches, vingt fueilles de Rue, le tout pilé ensemble avec vn grain de sel: Qui prendra cecy en ieun, disoit il, nul venin luy pourra nuire de tout ce iour la.

Le reste des fruietz d'arbres est de suc vitié, notammét les fruietz d'arbres & fruitiers sauuages, desquelz auons amplement parlé au second liure de la vertu des alimentz.

Touchát les pomes, granades, poires, neffles, nous en vsons non cõme d'alimét, mais cõme de medicamét, pour corroborer & radoubler l'office de l'estomach, & le vêtre debile.

Les Concombres, Pompons, Melons, sont en la ligue des fruietz

T R A I C T E

qui engendrēt sang vitié & corrompu: Que s'ilz n'oultrepassent bien tost, ilz se corrompent au ventre, & degenerēt en humeur approchāt de venim mortel. (** Vous cognoistrez les Melons entre les Pompons à ce qu'ilz sont plus ronds que les Pompons.*)

*De la cour
ge.*

La feule courge entre les fruitz cy dessus nōmez est sās nul dōmage ny encōbre, neātmoins si se corrópt en l'estomac, engēdre tresmauuais suc.

Des Meures.

Les meures pareillement peu ou point font nuyſātes, si on n'en prend trop, & que la digestiō d'elles deuāce leur corruption. Et voila ce que failloit scauoir, & faisoit à cōpter en commū de tous les fruitages qu'on ne peult mettre en reserue: Lesquelz les Grecz nommēt Horæi. Par ce que la saison de telz fruitz s'appelle Hora en langue Greque, qui dure enuiron quarante iours, selon Galen, au mylieu desquelz

quelz les iours caniculaires cōmēcēt, que peult estre en ces païs cy depuis le cōmēce mēt de Iuillet iusques enuirō la my Aust: Car en ce tēps la les fruiētz ou finisēt, ou cōmēcēt, ou sont en leur meilleure saison.

Or des herbes, qu'on mange cōmunement, n'en y a pas vne qui soit de bō suc. La laitue tiēt le mylieu entre le bon & mauuais suc: Puis la Mauue: Puis l'Arroche, le Pourpied, Blete, Parelle & Oseille.

Les herbes sauuages qu'on mange volūtiers sont outrageusement mau-
 uaises, & de mauuais suc, cōme la laitue sauuage, la Condrille (qui sont
 espees de Cicorée) Scádix (semblable à Pastenague sauuage) Gingi-
 dion (qu'aucuns disent estre nostre Cerfueil) Endiuie, Cicorée.

Les racines des herbes qu'on mēge sont de mauuais suc, signāment celles qui sont acres, fortes & picantes;

TRAICTE

cóme sont celles d'Oignons, pourreaux, Aulx, Raifortz, Pastenagues sauuages. Les racines du Pied de veau, des gros naueaux (qui sont les Rabioles de Limosin) des Carottes tiennent le reng du mylieu entre les viâdes de bõ & mauuais suc. Toutesfois le Pied de veau de ce país, est si tresfort ardent, & picant la langue, qu'on n'en scauroit menger, voire ny goustier sans grãde nuysance.

Des Rabioles de Limosin, & d'Aron dit pied de veau.

De oyseaux, et poissons.

Or les oyseaux, & presque tous les poissons sont de bon suc, fors que ceulx qui viennent des Maresquages, Lacz, Estangz, Riuieres limoneuses, & troubles. Car ilz vsent d'air infecté & corrompu: Puis ne nagent gueres, & se nourrissent de pasture, & viande peu salubre: Notamment quád l'eau de la Riuere, ou ilz sont, decourt ioignant quelque grand' ville, nettoyant les retraits, Bains,

Bains, Cúy fines : Et en laquelle on laue vestemétz & autres choses ordes . Au moyen dequoy la chair de telz animaux viuátz en semblables eaux, est mallement dágereuse. Mesmemét s'ils versét & hátét tousiours en telles eaux sans en bouger, ny cháger de fois à autre. Voire mais ceulx qui ont demeuré en telles eaux, & apres s'en viennent estre en meilleures, encores sont ilz pires que ceulx la qui ont vescu en pleine & pure mer . Car peu s'en fault que tous ces poissons qui nagent en la mer pure, non meslée d'eau douce, ne soient entierement bons, & pas nuyfantz, comme sont ceulx qu'on nóme Marée & Petrins (parce qu'ilz viuent parmy les pierres, & pres des rochers de la mer) à raison qu'ilz engēdrēt bō sang, & sont plaissantz & amyables au goust sur tous les au-

tres: En sorte qu'il n'est point dange-
 reux d'yser de telz poissons . Mais
 si quelqu'un de ces animaux han-
 te plustost l'eau douce, plustost l'eau
 salée & marine, comme font les
 Muletz, Loups, Gouions, Murenes,
 Cancres, Anguilles, plustost & pre-
 mierement il conuient sçauoir ou
 ilz ont esté prins : Puis les sentir, &
 gouter : Puis en iuger . Car ceulx
 qui ont vescu en eau corrompue, se-
 ront baueux & limoneux, & pas
 de bonne senteur, ny de bon goust,
 ores qu'ilz soient plus gras que les
 autres qui sont prins en bonne eau,
 & qui à l'instant se corrompent . Au
 contraire les poissons qui viuent en
 pure & haulte mer, sont de souefue
 odeur, de bon & plaisant goust,
 peu, ou point gras, se cōseruantz par
 longsiours sans corruption : Mes-
 mement si on met de la nege tout à
 l'entour

l'entour d'eux. Car en ceste maniere ceulx qui sont de dure chair, deuiennent meilleurs & plus tendres, pareilz aux Petrins & Merlus: A raison que ceulx la de dure chair ont acquis artificiellemēt de la nege, ce q̄ ceulx cy ont de nature. Parquoy les Muletz qui viuent en pure & haulte mer, ont la chair tout'autre & diuerse à ceulx qui sōt d'eau vitiée & corrompue: De mesme se faiēt aux Gouios, & loups. Et encores se voit il pl⁹ euidēment en autres qu'en ceulx cy.

La Murene se rēd pareillemēt mauuaise en semblables eaux mauuaises. *De la murene.*

L'anguille iāçoit que vienne de *De l'anguille.* bonne & nette eau, neantmoins iāmais n'engendre bon sang: Tant s'en fault qu'elle puisse estre bonne, estāt prinse en eau qui est esgoust de quelque ville, receuant ses ordures, voiries & immōdicités(^a cōme dit est).

TRAICTE

Des Ro-
getz Bar-
betz.

D'auantaige les poissons se font
meilleurs ou pires, selon la pasture &
nourrissement des lieux ou ilz vi-
uent : Ce qu'on congnoistra facile-
ment à l'odeur, & goust d'eux, con-
me des Barbeaux (^a autrement appel-
lez Trigues, qui sont, selon aucuns,
noz Rogetz barbetz:) Car ceulx auf-
quelz les poissons ditz en Grec Car-
cinada (^a qui sont noz petitz cancrs
selon aucuns) sont pasture, ont pire
chair que les autres, desquelz la chair
& substance non seulement est plus
dure que celle des poissons Petrins,
& Merlus : Mais aussi que des Mu-
letz, Loups, & autre poisson Marin:
A cause dequoy sont malaiséz à di-
gerer & de grossiere nourriture, nō
pas de mauuais sang. Mais nous a-
uons parlé plus amplement de toute
sorte de viandes es trois commen-
taires qu'auōs nommé De la faculté
des

des alimentz : Et n'est pas mestier que celuy qui est studieux des viandes saines & salubres, moins prise & neglige la lecture d'eux, ny du tout aussi le Traicté qu'ay faict pour l'entretènement de santé: Duquel ce liure la des facultez alimentaires est vne partie: Dauantage nous auons composé vn liure De la diete attenuante & amaigrissante, contraire à celle qui engrosist & espessit, qui est tresprofitable à tous amateurs de santé.

Or ie vueil sur toutes choses que vous soyiez records en tous ces Traictés la, que nul n'aura entierement congnoissance, ny des remedes, ny de la diete salubre, entendant viuellement la vertu & efficace des matieres Medicinales & Alimentales, si pareillement ne sçayt & entend la nature des corps, pour lesquelz ces choses cy, tant alimentz que medicamentz,

TRAICTE

camétz, sôt amenées, & souhaitées. Car il y a aucuns corps qui sont malfiz, fermes, & solides, ne laissant aisement entrer & sortir l'air: D'autres qui sont laches & ouuertz, aisés à se resouldre & euacuer: Il est manifeste que les premiers ont affaire de viande fort humide & moite: Les seconds de bié seiche; d'auantage les vns requierent viande fort gluante; les autres bien deliée & subtile: Les vns en grand' quantité, les autres en moindre.

*Maniere
de viure
pour toutes
complexions.*

Pareillement quiconque a le sang fort melancolique, il luy conuient vser de viandes humides, & chaudes: Qui colere, de froides, & humides: Qui Phlumatique, de chaudes & seiches. Mais quiconque aura beaucoup de sang bõ & temperé, il aura assez de bien peu de viande, qui n'excede en aucune qualité, ains soit
attrem-

attrépée & de moyēne vertu: si que n'apparoisse euidentement eschauffer ny refroidir, deseicher ny ramoitir: Sēblablement que tiēne le rang du mylieu entre les viandes grossieres & subtiles, gluantes & leurs contraires, qui sont friables & tendres.

Friable se dit des choses dures & *Explicatio*
 grādemēt seiches: Tēdre, des molles *de Fria-*
 & tenētes le mylieu des choses moi- *ble, et ten-*
 tes & seiches: Les deux, tant les choses friables que tendres, fault qu'ayent cela en commun, c'est que ne soyent aucunement gluantes, ny tenantes. Il est donc expedient que celuy qui bien & deuēment voudra vser des aliments, scache en premier lieu la difference de la peau des hōmes lasche, & ferrée: Puis le temperament & complexion de tout le corps: En apres si toutes les parties principales du corps retiennent leur temperature & complexion.

Car

TRAICTE

Car la teste est quelque fois plus chaude qu'il n'appartient, quelque fois l'estomach plus froid, quelque fois au contraire, l'estomach chaud, & la teste froide: & semblablement des autres parties du corps. Mais de tout cecy auons ailleurs suffisamment parlé, & en la Methode de guarir les maladies, & d'entretenir la santé.

*Aduertisse-
ment tres-
profitable.*

Or le premier & principal respit & cōsideration des viandes, est que elles soient bien cuites & digerées: Le second que le suc d'icelles bien digerées, distribué & departy par tout le corps, soit propre & profitable aux parties sustenties & nourries. Donc pour bien vser des alimentz il conuient necessairement cōgnoistre & sçauoir ce qu'auons escript au Traicté des temperatures & complexions: Enquoy attendu que y e-
stés

stéz assez heureusement versé, ie y adiousteray en oultre ce que apartient scauoir du bon & mauuais suc, commençant aux vins.

ADVERTISSEMENT SVR
le Traicté des vins.

EN ce Traicté cy i'ay laissé tout de gré les noms des vins, tant Grecz que Latins, desquelz Galen vse, comme le vin Thereum, Sybellités, Cilicium, Carynum, Therinum, Faustinum, Hippodamantium, Ariusium, Bithynum, Amineum, Cecubum, Gauranum, Albanum, Tibinum, Arsyium, Titacazeum, & semblables: par ce qu'apresent tous ces noms propres sont du tout chāgés ou perdus, ainsi qu'il m'a esté dit par gentz mesme de Grece & Italie: Et ores feussent ilz retenus, neantmoins ne nous seruiroient de rien en ce païs icy, ou les vins sont pareillement de diuers noms, selon la diuersité

TRAICTE

diuersité des Regions , Contrées , Villes ,
Lieux ou ilz se leuent . Laquelle diuersi-
té i'eusse peu icy amener tout ainsi q̃ Ga-
len: Mais voyant que c'est vne chose plus
prolixie que proffitable, n'en ay tenu com-
pte : Parce aussi qu'vng chacun ayant leu
ce petit Traicté , pourra aisément con-
gnoistre la vertu, force & efficacé du vin
qui s'offrira à boire , selon sa consisten-
ce , saueur , odeur & couleur . Car tous
ces noms-la ne sont amenez par Galen
que pour monstrier & scauoir la vertu &
effort du vin ainsi , ou ainsi nommé. Les
vins de quelques endroiçtz d'Espaigne,
Italie, Prouence, Gascoigne, Nauarre, (à
fin que ie die cecy en passant) peuuent ap-
procher à la bonté & nature de ceulx de
Grece , Asie la mineur , ou Galen escri-
uoit cecy. Par ce que la Grece est en sem-
blable eleuation de Pole, que quelques en-
droiçtz de ces Regions cy, en sorte qu'el-
les sont presque aussi bien meridionales
les

les vnes que les autres, en quelques endroits. Or Ptolomée dit en sa Geographie, que les lieux & païs semblables de nature, portent & produisent choses semblables : Parquoy les vins de telz païs semblables en ladicte eleuatiō de Pole, se peuvent aucunement & beaucoup ressembler en bonté, & force, posé qu'ilz soient faictz tous de mesme sorte & façon. Il est vray que la Grece est beaucoup plus Orientale que ces païs cy nommez : ce que peult beaucoup changer la bōté des vins : Ioint que chasque terre & païs à sa propre & peculiaire nature, pour produire cecy ou cela.

Or donc entre tous les vins ceulx *Des vins.* qui de leur estre sont aqueux & subtilz, incitantz & prouocantz à vriner, sont de trēspetite nourriture : Les gros & espés, de fort grande : Lesquelz toutesfois sont entre eux differētz de plus & de moins, à mesure

TRAICTE

sure de leur espesseur. Il n'y a nul vin
 gros, espés, & doulx ensemble, qu'il
 ne soit vermeil : Car si on cuit quel-
 que vin blâc pendât qu'il est moust,
 & en fait ce que les Grecz appellent
 Sireũ, et Epsema (c'est à dire vin sec et
 cuit) il deuiẽdra vermeil: Parce* que
 nul vin blâc n'est doulx, neãtmoins
 il en y a qui sont rudes, aufteres, &
 grossiers: D'autres aqueux, legiers, &
 subtilz. *Nous en auons plusieurs en ce
 païs, ce que nous doit faire penser que la
 maniere de les faire du tẽps de Galẽ n'e-
 stoit telle qu'à present, qui a esté trouuée
 par diligẽte questẽ & inquisition des cho-
 ses friãdes: Car en Grece mesmes en ont
 maintenant de doulx, qui est blanc, ainsi
 qu'il m'a esté dit d'un Grec. Ou bien di-
 rons que Galen prent icy (doulx) pour
 (extremement doulx:) & ainsi sera vray
 que nul vin blanc, si est fort blanc, n'est
 extremement doulx.

Entre

Entre les vins clairétz & paillétz *Des vins clairesz & paillétz où fannes.* il en y a de moyennement doux, d'autres qui nullement en sont. Les vins vermeilz sôt plus grossiers que ceulx la: de mesme qu'entre les vermeilz ceulx qui approchent plus du noir en couleur, lesquelz nourrissent à mesure de leur espaisseur. Au moyen dequoy il conuient induire à boire du vin doux, à ceulx qui ont mestier d'estre refaitz & nourris: Mesmement s'ilz ont leur Foye, Rate, & Rains sains & entiers.

Les vins qui de leur estre sont subtilz & deliez, duysent à ceulx qui ont amassé es veines vn tas d'humours grosses & melancoliques: les forts, & vieilz, à ceulx qui froides: nul de ceulx cy conuient aux autres humeurs chauldes du corps.

Les meilleurs vins qui soiét point pour engendrer bon sang, sôt ceulx

TRAICTE

qui ont odeur fouaue, & fumeuse, mais ilz entestent. Les meilleurs, & plus cōmodes pour faire vriner sont les subtilz et legiers, qui nullement entestent. Il se fault abstenir des grossiers ensemble puantz, austeres & rudes.

Le vin nommé Phalerne (^a qui estoit doux et de couleur fauve) est le meilleur entre les recommandeZ, si gnamment cil qui est le plus doux. D'un mesme genre & semblable à cest icy, est le vin Tmolites, (^a ainsi nommé de la Montaigne Tmolus, ou il se cueilloit) qui est claret, & doux: duquel il y a encores vne autre espee, qui est rude, & ne fait pas si bon sang que cestuy la: Comme aussi ne font nulles choses pareillement austeres, et rudes: Lesquelles neantmoins corroborent & radoubent l'estomach & ventre, eulx estantz infirmes et debiles: notam-
ment

ment lors qu'ilz sont attainctz et es-
 prins de chaulde intemperance, et al-
 teration. Car à ces fins, & pour ar-
 rester le flux de ventre nous vsons *Les vins*
 de vins verds & rudés, autrement *verds et rudes à quoy*
 point: Par ce qu'ilz ne sont nulle-
 ment proffitables, ny pour la distri-
 bution des viâdes, ny pour faire bon
 sang, ny pour engendrer bonnes hu-
 meurs, ny pour aisément faire vri-
 ner, ny pour suer, & faire vuyder le
 ventre.

Mais ores ie ne pretés pas blason-
 ner les vins, ny racompter leurs bon-
 tez, ou vices, mesmemét en ce qu'ils
 sont proffitables aux maladies. Or
 donc reprenant de rechef mon pre-
 mier propos, ie le reduiray en brefz
 chapitres. Le vin clairet ou pail-
 let doux, de souefue odeur & fu-
 meux; n'est nullement profitable
 ny conuenant à gentz qui sont co-

TRAICTE

leres de complexion naturelle,
ou autrement acquise. Car toutes
ces sortes de vins sont chauldes &
ardentes, nuyfantes non seulement
aux coleres, mais aussi à ceulx qui
sont batus du soleil, & ont enduré
grand trauail & fatigue, grād faim,
tristesse & angoisse, ou sôt en temps,
region, ou saison chaulde: Mais ilz
sont duisantz & propres pour ceulx
qui ont mestier d'estre rechauffez,
comme pour natures froides & flu-
matiques, pour ceulx qui ont amas-
sé vn tas d'humeurs crues & indi-
gestes, pour gentz qui viuent oyfi-
vement & sans soucy: puis ilz sont
profitables en region froide, en hy-
uer, en saison & constitution froi-
de, & humide. Car tel vin fort clair,
& doux, est bon pour tous ceulx
cy, & en telles saisons: le contraire
de cest icy, (^a qui est blanc, verd, &
deli-

delicat) duira aux gentz qui viuent de façon contraire. Le ne dy pas que tel vin claret, doux et fouef en odeur, engédre mauuaises humeurs: (° pour estre contraire aux gentz coleres & autres semblables) ains à raison qu'il eschauffe ceulx qu'on deuroit refroidir. Au moyen dequoy ceulx qui en boient (° estâtz de telle complexion chaulde) tumbent aisément en fiebure, douleur de teste, douleur de nerfz.

Les vins fort claretz et pailletz, qui sôt plaifamment et moyénemēt doux, (car nul vin fort claret et paillet est entierement doux, mais decline quelque peu vers le doux et vermeil,) ne sont pas si tresfort chauldz que les fort claretz, (° sās douceur:) Et par ce ne sont si dōmageables à la teste et nerfz, n'aussi causent la fiebure, comme les autres fort clairs, & point doux.

Vn chascú ſçait que les vins doux & gros laſchent le ventre de meſme que le mouſt, lequel engendre ventofitez, eſt de mal aiſée digeſtion, & groſſier. Vne ſeule bonté a il en luy, c'eſt que fait vuider le ventre : en quoy ſ'il eſt fruſtré, il endômage outrageuſement.

Le commun de tous les vins en general (de ceulx meſmement qui ne ſont fort groſſiers ny beaucoup doux) c'eſt qu'après qu'ilz ont eſté gardez longue eſpace de temps, deuiennent de couleur fauve, luyſantz & reſplendiſſantz côme le feu : voire & les vins noirs par ſucceſſion de temps changēt auſſi leur qualité, & couleur, premierement en vermeille & clairette, puis en fauve & iauue. D'auantage on ne cuidera pas fort facilement congnoiſtre de quelle qualité le vin blanc vieil & inue-

inueteré peult estre: Car desia il tire sur l'amer, & parce est il inepte à boire. Mais les tauerniers le meslét avec le nouveau, & vendent pour vin vieil, deceuantz avec l'amertume les acheteurs, qui ne sont guieres bõs taſte vins.

Il se fault dõc garder de boire des vins vieilz, tout ainsi que des fort recentz & nouveaux: d'autant que les vieilz eschauffent desmesurément, les nouveaux nullement, tandis qu'ilz sont nouveaux. Car tant s'en fault qu'ilz reschauffent & aydent à la digestion, que eulx mesmes, d'eux mesmes à peine se peuvent digerer: D'auantage ilz n'oultrepassent aisement le ventre, & intestins, ny se distribuent ny departét legierement par tout le corps, ny prouoquent à vriner, ny aydent à faire le sang, ny à la nourriture: Et

*Dõmages
du vin non
nean.*

par fois s'arrestent suspens, flottans, & nageantz en l'estomach, comme l'eau, de sorte que si quelqu'un en prêt oultre mesure, à l'instant se enaigrissent en l'estomach.

Entre les vins nouveaux on peut boire sans nuyſace ny peril de ceulx la qui sont legiers & de subtiles parties : Lesquelz aisement vous cognoistrez, premierement & principalement s'ilz approchent à l'eau en subtilité & clarté: puis en blâcheur; voire & au gouſt paroistront estre aqueux, n'ayant en eux nulle vehemente restriction, ny verdeur, & si les voulez tremper, ne pourront endurer beaucoup d'eau. Au moyen dequoy les medecins anciens les ont appelez, en Grec, Oligophora (c'est à dire, de petite portée): Et tout ainsi que les vins bien clairétz chauldz de nature, causét douleur de

teste

teste bié tost apres qu'on les a beuz,
 ainsi ceulx cy avec ce qu'ilz ne nuy-
 sent point à la teste, ançoys souuêtes
 foys luy appaisent & ostent les dou-
 leurs legieres, moyennées des hu-
 meurs qui sont coustumieres se engé-
 drer en l'estomach: Car la teste n'en-
 dure pas, ny est engregée seulement
 de ses propres passions & maladies,
 mais aussi d'un ressentement des
 mauuaises humeurs du vêtre, qui luy
 lacent vapeurs & fumées. Telle dou-
 leur de teste est appaisée, & tollue en
 beuant de ces petitz vins delicatz,
 ayantz peu de restriction & ver-
 deur: Car les vins qui ont leur for-
 ce totalement desliée, rompue &
 deflorée, de ce qu'ilz sont pires que
 les peu reserrantz, d'autât sont meil-
 leurs que l'eau.

*Douleur
 de teste pro-
 pre & par
 resente-
 ment.*

On voit aussi parfois la teste faire
 mal d'auoir beu de l'eau, notammēt

*Douleur
 de teste est
 quelque-*

TRAICTE

*foys causée
de boire
de l'eau et
trop ieun-
ner.*

si elle est vitiée: D'autant qu'elle se vient à corrompre, puis rompt & aneantit la vigueur & force de l'estomach: Lequel estant ainsi affoibly reçoit les mauuaises humeurs colériques, qui decoulent & deriuent de tout le corps dans sa cavité: Ne plus ne moins qu'à ceulx-la qui ieunent & endurent longuement la faim. Desquelz dōmages & molestes les vins cy dessus nōmez preseruent & deliurēt l'hōme tout à l'instāt, pour raison de leur tēperature: Du depuis l'estomach estant radoubé & corrobōré, bien tost chasse & repousse en bas ce que l'aigrissoit & contristoit.

*Gentz Pi-
crocoles doi-
uent boire
de l'eau.*

Voire mais gēs de chaulde complexion, soit naturelle, ou acquise d'aage, se trouuerōt beaucoup mieux de la boissō d'eau que de vin: Duquel si quelques fois leur est mestier en boire, ilz doiuent prēdre le subtil, de
licat

licat, et moyënement aspre et verd.
 Par mesme raison nous ne deuõs
 pas vsfer de toutes & chacunes des vi
 andes, & breuuages indifferemmēt
 & sans discretiõ: mais les deuons or
 donner selon la differēce & diuersi
 té des natures & cõplexiõs de ceulx
 qui en doiuent vsfer. Il y a donc tres
 grand' difference & diuersité de
 vins: consideré chascun en son espe
 ce, comme nous les auõs distinguez:
 Laquelle diuersité est moindre es
 autres choses. Car oncques ne se
 trouuera que la Lentille, ou bien le
 chou humecte & ramoitisse: D'auā
 tage vous trouuerez encores moins
 qu'aucun gēre d'oignons, ou porre
 aux, ou aux rafraischisse, ains res
 chauffe, toutesfois les vns pl², les au
 tres moins. Les laitues, aussi les Arro
 ches (q̃ aucũs nōment bōnes dames)
 les blettes (ou espinars) les pourpieds
 ne reschauffent pas. Et neantmoins
 elles

elles ne sont pas entre elles grandement differentes de pl⁹ & de moins: Mais entre les vins cil qui est fort vieil, est si different du blanc (qui est austere & rude ensemble) du nouveau, du gros & espés, qu'il est grandemēt chauld, & ceulx cy sensiblement froidz.

Du miel. Or en * miel la diuersité est grande: toutesfois celuy qui est vitié & depraué, ou represente au goust estre mixtionné de quelq autre qualité, nullement se doit appeller miel.

*La vieille translation dit au contraire, scauoir est qu'en miel n'y a pas grand' diuersité, voulant dire que la diuersité du miel n'est si grande que celle du vin, tout ainsi que cy dessus a dit des Chous, Létillies, Porreaux, Oignons, & autres, qui ne se trouuēt si differētz en leur espee que le vin: duquel a dit en y auoir de sensiblement froid, & de grandement chauld: Ce que

que conuient merueilleusement bien à la sentence & fil du propos de Galen: Toutesfois ne l'ay aisé changer, par ce que noz liures tant Grecz que Latins ont autrement, il a esté aisé oster vne negative.

Les differéces d'un bon miel sont de plus, ou moins estre doux, & piquant. Le plus bon & insigne miel est le tresdoux, & trespicant. Or toute sorte de miel en general reschauffe & se conuertit en humeur colerique es corps chautz: Au moyen dequoy c'est vn tresbon & profitable men-ger pour gentz fort flumatiques & chargés d'ans, pareillement pour maladies froides.

L'oximel est vn breuuage tres-De l'Oxi-
mel. profitable pour l'entretienement de santé à tous aages & complexions, destouppant les opilatiōs & cōduitz ferrés & empeschés, de sorte qu'il ne laisse aucune humeur grossiere,
ny

ny gluante en noz corps.

La cõposi-
tion de
L'oximel.

L'oximel se faict & proportionne en diuerses sortes, selon la diuersité du goust de celuy qui en doibt vsfer, comme Galen tesmoigne au quatriesme liure De l'entretienement de santé: Toutesfois, comme il dit, on le compose communément d'une partie de vin-aigre, deux de miel, quatre d'eau: comme à huit pintes d'eau, deux de miel, vne de vin-aigre, plus ou moins d'un chacun, selon ce qu'on en voudra faire. Et fault boullir l'eau & miel ensemble premierement, iusques à ce q le miel ne ietera plus d'escume, puis y mettre le vin-aigre, & le laisser boullir iusques à ce que le tout soit bien meslé & incorporé. On le peult faire en autre façon, comme Galen escrit audict liure.

Au moyen dequoy les medecins ont nōmé salubres ces medicamens là qui sont trestous de faculté subtile, penetrante & aperitiue: D'autant qu'ilz

qu'ilz sont plus recommandez en bonté pour l'entretènement de santé, que ceulx qui espessissent les humeurs, hormis qu'ilz ne peuuent faire en nous vn enbonpoint, ny nous donner force & vigueur. Mais plusieurs ayment mieux santé & vn enbonpoint, incertain neantmoins, & de petite durée, qu'estre simples, freflez et debiles, avec certaine, ferme, et stable santé.

Or de ceulx qui s'estudient auoir santé quât & force, & en bonpoint, les vns sont à soy mesmes, les autres ont choisi l'art militaire, et vie pleine d'occupatiōs, estâtz cōtrainctz se leuer la nuict, le iour, de vaquer aux affaires necessaires: entre lesquels celui qui pourra, vsera d'exercice plus tost & premier qu'entrer aux bains: puis apres de frictiōs et exercice mesuré pour euiter lassitude (ce que les

*Galen don
ne icy la
maniere de
viure qu'il
a promis cy
deuant aux
gentz de
travail.*

TRAICTE

*Quelles
gentz ne
peuvent vi-
ure en san-
té.*

Grecz appellent Apothérapeuticō.)
Mais les affaires ne permettent pas à
plusieurs de pouuoir faire tout cecy:
Au moyen dequoy ne leur est pos-
sible, eulx estre tousiours en santé,
viuent ilz neantmoins sobrement
& reiglément. Au contraire, qui fait
tout ce qu'est possible, s'as rien omet-
tre pour entretenir sa santé raremēt
& bien à peine cuydera tumber en
maladie.

Il est donc necessaire que ceulx cy
vsent de viandes beaucoup nourrif-
santes, qui engendrent grosses hu-
meurs: Mais fault que ce soit avec at-
trempance et mesure, signamment
lors qu'ilz seront cōtrainctz par ne-
cessité vrgente: En autre temps vsē-
ront des viādes qui tiennent le reng
du mylieu, entre celles qui peu, ou
prou nourrissent.

*En quel
reproche*

Dauantage il se fault abstenir en
tout

tout temps des viâdes mauuaises et ^{vsus des}
 de mauuais suc, fors qu'en la partie ^{viandes de}
 de l'Esté plus chaulde, (laquelle les ^{suc.}
 Grecz appellent hora) estans trauail
 lez : Et ce pour guarir & refreschir
 l'alteration, seichereffe, et chaleur de
 tout nostre corps. Car en telle saison
 les Pomes, Prunes, Cerises, Guines,
 Meures, prinſes à l'étrée de table de-
 uant toute autre viande, ſont ſaines
 & profitables : Les Concombres,
 Pompons, & Melons, point ou peu.
 Les auant peſches pourront pareil-
 lemēt auoir lieu et ſaiſon en tel tēps :
 Et ce que les Latins appellēt Melce,
 moyennant qu'elle ſoit rafreſchie.

Melca, ſelon Constantin Ceſar, eſtoit
 vn breuuage pour rafreſchir, qui ſe fai-
 ſoit en ceſte maniere. Ilz prenoient deux,
 ou trois potz de terre tout neufz, dans leſ
 quelz mettoient du vin-aigre fort : Puis le
 mettoient ſur le feu, iuſques à ce que le

TRAICTE

vin-aigre eust vn peu bouilly, à fin que lesdictz potz s'embibassēt mieulx du vin aigre: ce faiēt les ostoient du feu, & y mettoiēt du laiēt: apres ferroient le tout dans vng coffre ou ailleurs, ou les potz ne bougeassēt point: le lendemain on trouuoit faite ladiēte Melca meilleure q; tout'autre.

La cresse de laiēt, & tout laiētage, comme ce que les Grecz nomment * Argyrotrophema, ou Argytrophema, (c'est à dire viande blanche comme l'argent.)

* Argytrophema estoit vne sorte de viande qui se faisoit de fromage bien pilé & passé par vne poile d'airain trouée, avec lequel puis apres mettoiēt du miel & demy sextier de fleur de farine, meslantz le tout ensemble, ainsi qu'Athenée escript.

Pareillemēt les figues froides & recentes, les courges, & citrouilles, toutes ces viandes cy sont propres à telles dispositions chaudes & seiches.

Mais

Mais l'homme prudent & discret pourra vser d'autre façon de faire que ceste cy, pour ramoitir, & rafraeschir la seicheresse, & aridité du corps engregé de peines et trauaulx, comme dit est. Car reuenant des baigns ou estuues, premierement il boyra de l'eau, puis du vin moyennement aqueux: Ce qu'ayant rendu & vommy, prendra des laitues, qui sôt herbes sans nul dommage, ny nuisance, & refreschissantes: Du depuis vsera de piedz de Porc bien cuitz et appareillez à la vinaigrette, avec la faulse dicte * Garon.

*La laitue
est de tous
points
bonne.*

*Garon, selon Dioscoride, estoit vne liqueur esprainte & tirée de la chair, & poissons salez: Selon Plin, estoit vne liqueur fort friande & exquise, esprainte des entrailles salées, & autres parties qu'on a acoustumé de iecter des poissons: laquelle on a nommée Garon, par ce que

le temps passé se faisoit d'un poisson que les Grecz appellent Garon: Et encores de nostre temps (ainsi que quelques vns escriuent) le vulgaire Grec appelle tout petit poisson sale (Garos.) Il se faiët apresent (dit Pline) d'un poisson nommé Scombrus (en Paris maquereau) à Marseille (comme i'entends) l'appellent (Auriol.) Ceste liqueur Garon (dit il) a esté plus estimée le temps passé que liqueur quelcõque (excepté le musc & autres senteurs) de sorte que plusieurs familles en ont esté anoblies. Aucuns dient que c'estoit vn potage de poisson faiët en ceste façon: Ilz prenoient vn sextier de petitx poissons salez, trois sextiers de bon vin, & cuisoient cela ensemble en vn vaisseau d'arain, iusques à ce que de trois parties les deux feussent consumées, apres le clarifioient en le coulant souuent, puis le mettoient en vne phiole pour en vsfer. Je pense que l'inuention des autres sauces
plus

Plus friandes que le Garon, nous en ont fait oublier l'usage, en retenant le nom seulement. Si on en a affaire en medecine ou autrement, il est aisé à le faire. J'ay icy retenu le nom Grec, n'ayant propre terme François pour l'expliquer: Car ce n'est pas nostre saulmurre, comme quelques vns disent: laquelle en Grec s'appelle Halme, & en Latin Muria.

En apres d'ailes de poullaille, ou oye avec leur gifier, & aussi de quelque poisson tendre, & mollet fricassé: Il pourra aussi prendre, s'il veult, de ces herbes qui ne sont pas de mauvais suc, comme de Maulues, & Courges: Par apres du vin fort trempé avec eau fresche: (Toutesfois failloit au parauant auoir prins quelque saulce, ou bouilló, ou des œufz molletz: Et si ainsi luy semble, de quelque poisson acoustré à l'huile & Garon) car il vault mieulx corriger l'al

Les Maulues & Courges, ne sont pas de mauvais suc.

teration & siccité du corps avec eau froide, qu'avec les viâdes de mauuais suc: lesquelles fault du tout poinct deuier & quiter.

*De la frou-
mentée.*

La froumentée froide appareillée avec vin miellé, et vin froid, guarit la mesme disposition du corps chaude et seiche: Et ce faict elle sas engêdrer nul mauuais sag. Toutesfois moy e- stât maintesfois engregé de la mes- me disposition chaude, & seiche, ay experimété l'orgemondé reffroidy, suffire à ce faire: Sçauoir est, en ce téps la que i'ay dit vn chascun pou- uoir boire cōmodemēt de l'eau froi- de. Mais vn autre aura vn autre sor- te de viande & breuage pour reffres- chir: Car ceulx qui ont accoustumée la Nege, se reffreschissēt de la Nege: qui l'eau, de l'eau, n'ayant affaire de Nege.

Or le vin qu'on veult tréper, doit estre

estre premierement reffreschy dans eau fort froide : tel vin les Grecz appellent Proepsycrismenos (c'est à dire, reffreschi au parauant)

Je donne donc ce cōseil cy à ceulx qui ont choisi vne vie actiue pleine de trauaux & fatigues, cōme à gentz qui gouuernēt vn pais, & ont administration d'vne republique: Et plus encores à leurs ministres & seruiteurs, non moins qu'aux souldatz & gentz de guerre: ou bien à gentz qui se trauaillent à faire peregrinations en pais loingtains. Car quicōque est exēpt de ces affaires & occupations, bien rarement aura mestier de boire de l'eau froide, s'il a acoustumé l'exercice. Mais ceulx qui ne sont donnez à faire exercice, lors qu'ilz se sentēt outrez de grāde chaleur au plus profond del'Esté, ilz pourront boire de l'eau de fontaine sans nuyfan-

TRAICTE

ce nulle: S'abstiennent neantmoins de neige: Car iacoit qu'on ne s'aperçoie qu'elle nuyse & endommage le corps des ieunes gétz: si est ce toutes fois que le mal s'engregeant, petit à petit en tapinois, maladies difficiles & du tout irremediabiles, s'engendrent aux ioinctz des membres, aux nerfz, aux visceres & entrailles principales, & ce par successiō de temps lors que l'aage vient à decliner. Parce que les parties du corps naturellement plus debiles, sont plustost chargées & endommagées de quelque chose que ce soit, exterieure ou interieure, que les autres plus robustes.

*Indigestiō
frequente
est cause
de la plus
part de
noz mala-
dies.*

La source & principale cause de noz maladies & mauuaises humeurs, est la crudité & indigestion trop frequente, & continue, soit elle de bonnes viandes, soit de mauuaises: Vray est que l'indigestion qui
proui-

prouient des mauuaifes, est la plus dangereuse de toutes. Mais veu qu'il y a deux fortes de telles viandes de mauuais suc, elles estant conuerties dans nōz corps en humeurs agues, penetrātes & subtiles, sont cause de maladies agues & chauldes, de fiebures malignes & felōnes: Que si les mauuaifes humeurs tōbent sur quelque membre, excitēt Erysipelas (que le vulgaire appelle le feu Sainct Antoine) Herpēs, ou quelque autre maladie chaulde: mais en ceulx qui cōuertissent les viandes de mauuais suc, en humeurs grosses & espees, el les causerōt gouttes nouēes, mal de reins, podagres, difficulté d'haleine, duretés & endurcissement de foye, & rate: Si les humeurs vitiées sont melancoliques, feront chancres, lepres, roignes, fiebures quartes, manies, mauuaifes couleurs noires, enflure de

rate;

TRAICTE

rate: Parëillement varices (que le
vulgaire appelle veines rompues) he
morrhoides noires (de sang melan-
colique:) Plusieurs & diuerſes hu-
meurs meſlées cauſeront beaucoup
de maladies meſlées & compoſées,
côme herpes, lous, (que les Grecz
appellent Phagedenica Helca, c'eſt à
dire vlceres rongéates) & toutes au-
tres vlceres malignes (que les Grecz
nōment Cacoëte) & fiebures agues:
leſquelles yn temps apres eſtre gua-
ries, font recidiues.

F I N.